



**LAPORAN KETUA AUDIT NEGARA
MENGENAI PENYATA KEWANGAN
MAJLIS BANDARAYA PETALING JAYA
BAGI TAHUN BERAKHIR
31 DISEMBER 2018**



**LAPORAN KETUA AUDIT NEGARA
MENGENAI PENYATA KEWANGAN
MAJLIS BANDARAYA PETALING JAYA
BAGI TAHUN BERAKHIR 31 DISEMBER 2018**

Laporan Mengenai Penyata Kewangan

Pendapat

Penyata Kewangan Majlis Bandaraya Petaling Jaya telah diaudit oleh wakil saya yang merangkumi Penyata Kedudukan Kewangan Pada 31 Disember 2018 dan Penyata Prestasi Kewangan, Penyata Perubahan Aset Bersih, Penyata Aliran Tunai serta Penyata Perbandingan Bajet dan Sebenar bagi tahun berakhir pada tarikh tersebut, ringkasan polisi perakaunan yang signifikan dan nota kepada penyata kewangan seperti dinyatakan pada muka surat 1 hingga 47.

Pada pendapat saya, penyata kewangan ini memberikan gambaran yang benar dan saksama mengenai kedudukan kewangan Majlis Bandaraya Petaling Jaya pada 31 Disember 2018 dan prestasi kewangan serta aliran tunai bagi tahun berakhir pada tarikh tersebut selaras dengan piawaian pelaporan kewangan yang diluluskan di Malaysia dan Akta Kerajaan Tempatan 1976 (Akta 171).

Asas Kepada Pendapat

Pengauditan telah dilaksanakan berdasarkan Akta Audit 1957 dan *The International Standards of Supreme Audit Institutions*. Tanggungjawab saya dihuraikan selanjutnya di perenggan Tanggungjawab Juruaudit Terhadap Pengauditan Penyata Kewangan dalam laporan ini. Saya percaya bahawa bukti audit yang diperoleh adalah mencukupi dan bersesuaian untuk dijadikan asas kepada pendapat saya.

Kebebasan dan Tanggungjawab Etika Lain

Saya adalah bebas daripada Majlis Bandaraya Petaling Jaya dan telah memenuhi tanggungjawab etika lain berdasarkan *The International Standards of Supreme Audit Institutions*.

Maklumat Lain Selain Daripada Penyata Kewangan dan Laporan Juruaudit Mengenainya

Para Ahli Majlis Majlis Bandaraya Petaling Jaya bertanggungjawab terhadap maklumat lain dalam Laporan Tahunan. Pendapat saya terhadap Penyata Kewangan Majlis Bandaraya Petaling Jaya tidak meliputi maklumat lain selain daripada Penyata Kewangan dan Laporan Juruaudit mengenainya dan saya tidak menyatakan sebarang bentuk kesimpulan jaminan mengenainya.

Tanggungjawab Ahli Majlis Terhadap Penyata Kewangan

Ahli Majlis bertanggungjawab terhadap penyediaan Penyata Kewangan Majlis Bandaraya Petaling Jaya yang memberi gambaran benar dan saksama selaras dengan piawaian pelaporan kewangan yang diluluskan di Malaysia dan Akta Kerajaan Tempatan 1976 (Akta 171). Ahli Majlis juga bertanggungjawab terhadap penetapan kawalan dalaman yang perlu bagi membolehkan penyediaan Penyata Kewangan Majlis Bandaraya Petaling Jaya yang bebas daripada salah nyata yang ketara sama ada disebabkan *fraud* atau kesilapan.

Semasa penyediaan Penyata Kewangan Majlis Bandaraya Petaling Jaya, Ahli Majlis bertanggungjawab untuk menilai keupayaan Majlis Bandaraya Petaling Jaya untuk beroperasi sebagai satu usaha berterusan, mendedahkannya jika berkaitan serta menggunakan sebagai asas perakaunan.

Tanggungjawab Juruaudit Terhadap Pengauditan Penyata Kewangan

Objektif saya adalah untuk memperoleh keyakinan yang munasabah sama ada Penyata Kewangan Majlis Bandaraya Petaling Jaya secara keseluruhannya adalah bebas daripada salah nyata yang ketara, sama ada disebabkan *fraud* atau kesilapan dan mengeluarkan Laporan Juruaudit yang merangkumi pendapat saya. Jaminan yang munasabah adalah satu tahap jaminan yang tinggi, tetapi bukan satu jaminan bahawa audit yang dijalankan mengikut *The International Standards of Supreme Audit Institutions* akan sentiasa mengesan salah nyata yang ketara apabila ia wujud. Salah nyata boleh wujud daripada *fraud* atau kesilapan dan dianggap ketara sama ada secara individu atau agregat sekiranya boleh dijangkakan dengan munasabah untuk mempengaruhi keputusan ekonomi yang dibuat oleh pengguna berdasarkan penyata kewangan ini.

Sebagai sebahagian daripada pengauditan mengikut *The International Standards of Supreme Audit Institutions*, saya menggunakan pertimbangan profesional dan mengekalkan keraguan profesional sepanjang pengauditan. Saya juga:

- a. Mengenal pasti dan menilai risiko salah nyata ketara dalam Penyata Kewangan Majlis Bandaraya Petaling Jaya, sama ada disebabkan *fraud* atau kesilapan, merangka dan melaksanakan prosedur audit yang responsif terhadap risiko berkenaan serta mendapatkan bukti audit yang mencukupi dan bersesuaian untuk memberikan asas kepada pendapat saya. Risiko untuk tidak mengesan salah nyata ketara akibat daripada *fraud* adalah lebih tinggi daripada kesilapan, kerana *fraud* mungkin melibatkan pakatan, pemalsuan, ketinggalan yang disengajakan, representasi yang salah, atau mengatasi kawalan dalaman.
- b. Memahami kawalan dalaman yang relevan untuk merangka prosedur audit yang bersesuaian tetapi bukan untuk menyatakan pendapat mengenai keberkesanan kawalan dalaman Majlis Bandaraya Petaling Jaya.
- c. Menilai kesesuaian dasar perakaunan yang digunakanai kemunasabahan anggaran perakaunan dan pendedahan yang berkaitan oleh Ahli Majlis.
- d. Membuat kesimpulan terhadap kesesuaian penggunaan asas perakaunan untuk usaha berterusan oleh Ahli Majlis dan berdasarkan bukti audit yang diperoleh, sama ada wujudnya ketidakpastian ketara yang berkaitan dengan peristiwa atau keadaan yang mungkin menimbulkan keraguan yang signifikan terhadap keupayaan Majlis Bandaraya Petaling Jaya sebagai satu usaha berterusan. Jika saya membuat kesimpulan bahawa ketidakpastian ketara wujud, saya perlu melaporkan dalam Laporan Juruaudit terhadap pendedahan yang berkaitan dalam Penyata Kewangan Majlis Bandaraya Petaling Jaya atau, jika pendedahan tersebut tidak mencukupi, pendapat saya akan diubah. Kesimpulan saya dibuat berdasarkan bukti audit yang diperoleh sehingga tarikh Laporan Juruaudit.
- e. Menilai sama ada keseluruhan persembahan termasuk pendedahan Penyata Kewangan Majlis Bandaraya Petaling Jaya memberi gambaran yang saksama.

Laporan Mengenai Keperluan Perundangan dan Peraturan Lain

Berdasarkan keperluan Akta Kerajaan Tempatan 1976 (Akta 171), saya juga melaporkan bahawa pada pendapat saya, rekod perakaunan dan rekod lain yang dikehendaki Akta untuk disimpan oleh Majlis Bandaraya Petaling Jaya telah disimpan dengan sempurna menurut peruntukan Akta.

Hal-hal Lain

Laporan ini dibuat untuk Ahli Majlis dan bukan untuk tujuan lain. Saya tidak bertanggungjawab terhadap pihak lain bagi kandungan laporan ini.



(DATO' NIK AZMAN NIK ABDUL MAJID)
KETUA AUDIT NEGARA
MALAYSIA

PUTRAJAYA
16 OKTOBER 2019






**PENYATA KEWANGAN
MAJLIS BANDARAYA PETALING JAYA
BAGI TAHUN KEWANGAN BERAKHIR
31 DISEMBER 2018**

KENYATAAN OLEH DATUK BANDAR DAN AHLI MAJLIS
MAJLIS BANDARAYA PETALING JAYA

Kami, Dato' Mohd Sayuthi Bin Bakar, Datuk Bandar dan Ahmad Akhir Bin Pawan Chik, Ahli Majlis, Majlis Bandaraya Petaling Jaya dengan ini menyatakan bahawa pada pendapat kami, Penyata Kedudukan Kewangan Pada 31 Disember 2018, Penyata Prestasi Kewangan Bagi Tahun Berakhir 31 Disember 2018, Penyata Perubahan Dalam Ekuiti Bagi Tahun Berakhir 31 Disember 2018, Penyata Aliran Tunai Bagi Tahun Berakhir 31 Disember 2018 dan Penyata Perbandingan Bajet dan Sebenar Bagi Tahun Berakhir 31 Disember 2018 yang berikut ini beserta dengan nota-nota di dalamnya adalah disediakan untuk memberi gambaran yang benar dan saksama berkenaan kedudukan kewangan Majlis Bandaraya Petaling Jaya pada 31 Disember 2018 serta hasil kendaliannya dan aliran tunai bagi tahun berakhir pada tarikh tersebut.

.....

DATO' MOHD SAYUTHI BIN BAKAR
Datuk Bandar,
Majlis Bandaraya Petaling Jaya

.....

AHMAD AKHIR BIN PAWAN CHIK
Ahli Majlis,
Majlis Bandaraya Petaling Jaya

Tarikh : **29 APR 2019**

Tarikh : **29 APR 2019**

**PENGAKUAN OLEH PEGAWAI UTAMA YANG BERTANGGUNGJAWAB
KE ATAS PENGURUSAN KEWANGAN
MAJLIS BANDARAYA PETALING JAYA**

Saya, NIK NAZLI BINTI NIK ABDULLAH K.P. NO. 651129-03-5108 pegawai utama yang bertanggungjawab ke atas pengurusan kewangan Majlis Bandaraya Petaling Jaya, dengan ikhlasnya mengakui bahawa, Penyata Kedudukan Kewangan Pada 31 Disember 2018, Penyata Prestasi Kewangan Bagi Tahun Berakhir 31 Disember 2018, Penyata Perubahan Dalam Ekuiti Bagi Tahun Berakhir 31 Disember 2018, Penyata Aliran Tunai Bagi Tahun Berakhir 31 Disember 2018 dan Penyata Perbandingan Bajet dan Sebenar Bagi Tahun Berakhir 31 Disember 2018 yang berikutnya ini beserta dengan nota-nota, mengikut sebaik-baiknya pengetahuan dan kepercayaan saya, adalah betul dan saya membuat ikrar ini dengan sebenarnya mempercayai bahawa ianya itu adalah benar dan atas kehendak-kehendak Akta Akuan Berkanun 1960.

Sebenarnya dan sesungguhnya diakui oleh
Penama di atas NIK NAZLI BINTI NIK ABDULLAH
Di Petaling Jaya.
Pada *29 APR 2019*



MAJLIS BANDARAYA PETALING JAYA
PENYATA KEDUDUKAN KEWANGAN
PADA 31 DISEMBER 2018

	NOTA	2018 (RM)	2017 (RM)
ASET			
Aset Semasa			
Urusniaga Bukan Pertukaran Belum Terima	3	69,734,613	74,062,364
Urusniaga Pertukaran Belum Terima	4	8,958,209	10,143,039
Pelbagai Akaun Belum Terima, Deposit dan Terakru	5	8,695,831	6,544,018
Simpanan Tetap	6	411,168,617	460,982,877
Wang Dalam Bank dan Di Tangan	7	63,309,648	61,782,589
Jumlah Aset Semasa		561,866,918	613,514,887
Aset Bukan Semasa			
Hartanah, Loji dan Peralatan	8	93,867,787	93,262,442
Kerja Dalam Kemajuan	9	39,032,405	6,302,381
Aset Tak Ketara	10	1,797,043	2
Pelbagai Akaun Belum Terima, Deposit dan Terakru	5	192,535	235,554
Jumlah Aset Bukan Semasa		134,889,770	99,800,379
Jumlah Aset		696,756,688	713,315,266
LIABILITI			
Liabiliti Semasa			
Pelbagai Akaun Belum Bayar dan Perbelanjaan Terakru	11	286,419,175	253,374,277
Geran Tertunda	12	-	15,088,952
Wang Amanah (Kurang 1 Tahun)	13	6,595,430	878,492
Akaun Amanah	14	140,609,130	154,998,238
Peruntukan Manfaat Kakitangan	15	9,760,941	-
Jumlah Liabiliti Semasa		443,384,676	424,339,959
Jumlah Aset Bersih		253,372,012	288,975,307
ASET BERSIH			
Kumpulan Wang Majlis		251,872,012	287,475,307
Kumpulan Wang Pinjaman Kakitangan		1,500,000	1,500,000
Jumlah Aset Bersih		253,372,012	288,975,307

Nota-nota di mukasurat 6 hingga 47 merupakan sebahagian dari akaun-akaun ini.

MAJLIS BANDARAYA PETALING JAYA
PENYATA PRESTASI KEWANGAN
BAGI TAHUN BERAKHIR 31 DISEMBER 2018

	NOTA	2018 (RM)	2017 (RM)
<u>HASIL</u>			
Urusniaga Bukan Pertukaran	16.1	296,559,948	292,301,324
Urusniaga Pertukaran	16.2	66,901,600	62,417,471
Pelbagai Hasil	16.3	2,428,399	18,250,197
JUMLAH HASIL		365,889,947	372,968,992
<u>PERBELANJAAN</u>			
<u>Perbelanjaan Mengurus</u>			
Emolumen	16.4	105,562,978	103,642,876
Perkhidmatan dan Bekalan	16.5	184,250,987	165,333,379
Aset	16.6	-	79,180
Pemberian dan Kenaan Tetap	16.7	255,908	430,436
Perbelanjaan Lain	16.8	27,660,901	29,689,451
JUMLAH PERBELANJAAN MENGURUS		317,730,774	299,175,322
<u>Perbelanjaan Pembangunan</u>			
Perkhidmatan dan Bekalan	16.9	78,043,680	76,930,662
Aset	16.10	33,936,830	36,061,032
Pemberian dan Kenaan Tetap	16.11	1,374,376	1,109,818
JUMLAH PERBELANJAAN PEMBANGUNAN		113,354,886	114,101,512
JUMLAH PERBELANJAAN		431,085,660	413,276,834
KURANGAN BAGI TAHUN		(65,195,713)	(40,307,842)

Nota-nota di mukasurat 6 hingga 47 merupakan sebahagian dari akaun-akaun ini.

MAJLIS BANDARAYA PETALING JAYA
PENYATA PERUBAHAN DALAM EKUITI
BAGI TAHUN BERAKHIR 31 DISEMBER 2018

	NOTA	KUMPULAN WANG MAJLIS	KUMPULAN WANG PINJAMAN KAKITANGAN	JUMLAH ASET BERSIH
		RM	RM	RM
Baki pada 01 Januari 2017		327,783,149	1,500,000	329,283,149
Tambahan / (Kurangan) Kumpulan Wang		-	-	-
(Kurangan) tahun semasa		(40,307,842)	-	(40,307,842)
Pada 31 Disember 2017		287,475,307	1,500,000	288,975,307
Baki pada 01 Januari 2018		287,475,307	1,500,000	288,975,307
Pelarasan tahun lalu seperti dinyatakan semula	17	29,592,418	-	29,592,418
(Kurangan) tahun semasa		(65,195,713)	-	(65,195,713)
Pada 31 Disember 2018		251,872,012	1,500,000	253,372,012

MAJLIS BANDARAYA PETALING JAYA
PENYATA ALIRAN TUNAI
BAGI TAHUN BERAKHIR 31 DISEMBER 2018

	2018 (RM) RM	2017 (RM) RM
ALIRAN TUNAI DARI AKTIVITI OPERASI :		
Lebihan/ (Kurangan) Pendapatan	(65,195,713)	(40,307,842)
Pergerakan bukan tunai :		
Susutnilai Dan Pelunasan	17,547,585	16,899,587
Hapuskira Hartanah, Loji Dan Peralatan	70,930	-
Pelarasian Aset Dan Susutnilai	29,592,416	-
Peruntukan Hutang Ragu	31,367	(11,171,265)
Penurunan/ (Peningkatan) Belum Terima	3,372,420	(8,330,438)
Peningkatan Belum Bayar	33,044,898	22,087,658
Peningkatan Wang Amanah (Kurang 1 Tahun)	5,716,938	221,097
Penurunan Geran Tertunda	(15,088,952)	(16,303)
(Penurunan) Kumpulan Akaun Amanah	(14,389,108)	(12,253,655)
Peningkatan Peruntukan Manfaat Kakitangan	9,760,941	-
Aliran Tunai Bersih Daripada Aktiviti Operasi	<u>4,463,722</u>	<u>(32,871,161)</u>
ALIRAN TUNAI DARI AKTIVITI PELABURAN		
Pembelian Hartanah, Loji Dan Peralatan	(18,223,858)	(35,966,481)
Penambahan Aset Tak Ketara	(1,797,041)	-
Peningkatan Kerja Dalam Kemajuan	(32,730,024)	(425,043)
Aliran Tunai Bersih Digunakan Dalam Aktiviti Pelaburan	<u>(52,750,923)</u>	<u>(36,391,524)</u>
 (Penurunan) Bersih Dalam Tunai Dan Kesetaraan Tunai		
Tunai Dan Kesetaraan Tunai Bawa Hadapan	(48,287,201)	(69,262,685)
TUNAI DAN KESETARAAN TUNAI PADA 31 DISEMBER	<u>522,765,466</u>	<u>522,765,466</u>
 Tunai dan kesetaraan tunai pada akhir tempoh terdiri daripada :		
Wang Dalam Bank Dan Di Tangan	63,309,648	61,782,589
Simpanan Tetap	411,168,617	460,982,877
WANG TUNAI DAN DANA JANGKA PENDEK	<u>474,478,265</u>	<u>522,765,466</u>

MAJLIS BANDARAYA PETALING JAYA
PENYATA PERBANDINGAN BAJET DAN SEBENAR
BAGI TAHUN BERAKHIR 31 DISEMBER 2018

	JUMLAH BAJET ASAL RM	JUMLAH AKHIR RM	JUMLAH SEBENAR RM	^VARIAN BAJET RM
PENERIMAAN				
Urusniaga Bukan Pertukaran	313,143,680	313,143,680	303,639,441	9,504,239
Urusniaga Pertukaran	79,673,740	79,673,740	66,601,472	13,072,268
Pelbagai Hasil	27,847,050	27,847,050	2,428,399	25,418,651
Jumlah Penerimaan	420,664,470	420,664,470	372,669,312	47,995,158
PEMBAYARAN				
<u>Perbelanjaan Mengurus</u>				
Emolumen	116,163,930	117,247,550	105,562,977	11,684,573
Perkhidmatan dan Bekalan	190,706,210	206,409,070	185,323,757	21,085,313
Aset	6,447,500	6,393,840	5,645,988	747,852
Pemberian dan Kenaan Tetap	1,512,740	324,680	255,908	68,772
Perbelanjaan Lain	32,923,680	17,378,920	9,200,798	8,178,122
Jumlah Perbelanjaan Mengurus	347,754,060	347,754,060	305,989,428	41,764,632
<u>Perbelanjaan Pembangunan</u>				
Perkhidmatan dan Bekalan	93,131,880	88,558,390	80,017,912	8,540,478
Aset	46,820,030	51,481,730	50,636,183	845,547
Pemberian dan Kenaan Tetap	1,550,500	1,462,290	1,374,376	87,914
Jumlah Perbelanjaan	141,502,410	141,502,410	132,028,471	9,473,939
Pembangunan				
Jumlah Pembayaran	489,256,470	489,256,470	438,017,899	51,238,571
PENERIMAAN BERSIH	(68,592,000)	(68,592,000)	(65,348,587)	(3,243,413)

^ Merujuk kepada varian di antara Bajet Akhir dan Jumlah Sebenar



MAJLIS BANDARAYA PETALING JAYA

NOTA KEPADA AKAUN BAGI TAHUN BERAKHIR 31 DISEMBER 2018

1. MAKLUMAT AM

1.1 Kegiatan Utama Majlis

Kegiatan Utama Majlis adalah untuk menyediakan perkhidmatan perbandaran, mengawal pembangunan tanah dan bangunan, memberikan perkhidmatan pembersihan, menjaga dan mengawal kesihatan awam, membina dan menyelenggara kemudahan rekreasi, jalan awam serta parit/ saliran.

Mengutip/ mengenakan hasil dan terimaan ditetapkan oleh akta dan undang-undang kecil yang berkuatkuasa.

- 1.2 Penyata Kewangan ini dibentangkan dalam Ringgit Malaysia ("RM") yang merupakan mata wang fungsian dan persembahan Majlis.
- 1.3 Penyata Kewangan bagi tahun kewangan berakhir 31 Disember 2018 telah dibentangkan dan diluluskan di dalam Mesyuarat Jawatankuasa Kewangan pada 22 April 2019 dan disahkan di dalam Mesyuarat Majlis pada 29 April 2019.

2. DASAR- DASAR PERAKAUNAN

2.1 Asas Penyediaan Penyata Kewangan

- 2.1.1 Penyata Kewangan Majlis disediakan berdasarkan kepada konvensyen kos sejarah selain yang dinyatakan secara berasingan dan mematuhi Piawaian Perakaunan Sektor Awam Malaysia (MPSAS).
- 2.1.2 Penyata Kewangan ini adalah merupakan Penyata Kewangan peralihan kedua yang disediakan menggunakan MPSAS kerana Majlis telah memilih pengecualian berhubung dengan pengiktirafan aset dan liabiliti seperti yang dinyatakan pada nota 2.20.2 kepada Penyata Kewangan.

2. DASAR- DASAR PERAKAUNAN (sambungan)

- 2.1.3 Penyediaan Penyata Kewangan memerlukan pertimbangan, anggaran dan andaian yang memberi kesan kepada penggunaan dasar dan amaun bagi aset, liabiliti, hasil dan belanja yang dilaporkan.

Anggaran dan andaian yang digunakan akan disemak secara berterusan. Semakan semula kepada anggaran perakaunan akan diiktiraf dalam tempoh anggaran tersebut disemak, jika semakan semula hanya memberi kesan kepada tempoh tersebut, atau dalam tempoh semakan dan tempoh masa hadapan sekiranya semakan semula memberi kesan kepada tempoh semasa dan masa yang akan datang.

Sekiranya pertimbangan ini memberi kesan signifikan kepada amaun yang diiktiraf dalam Penyata Kewangan, ia hendaklah didedahkan dalam Nota 2.20 kepada Penyata Kewangan.

2.2 Pengiktirafan Pendapatan

2.2.1 Hasil daripada Urusniaga Bukan Pertukaran

Urusniaga bukan pertukaran akan diiktiraf sebagai aset apabila terdapat manfaat ekonomi masa depan atau potensi perkhidmatan dijangka mengalir ke dalam entiti, ianya berpunca daripada peristiwa lampau serta nilai saksama aset dapat diukur dengan munasabah. Urusniaga bukan pertukaran yang diiktiraf sebagai aset hendaklah diiktiraf sebagai hasil, kecuali setakat liabiliti yang juga diiktiraf berkenaan dengan aliran masuk yang sama sebagai tertunda di dalam Penyata Kedudukan Kewangan. Apabila obligasi terhadap sesuatu liabiliti itu telah dipenuhi, entiti hendaklah mengurangkan amaun bawaan liabiliti yang diiktiraf itu dan mengiktiraf amaun hasil yang sama dengan pengurangan itu.

Hasil daripada Urusniaga Bukan Pertukaran adalah seperti berikut:

(i) Cukai Taksiran

Cukai Taksiran adalah hasil cukai yang dikenakan ke atas pegangan harta berkadar yang terletak di dalam kawasan Majlis. Cukai Taksiran diiktiraf sebagai hasil dalam Penyata Prestasi Kewangan semasa bil cukai taksiran dikeluarkan iaitu pada setiap 1 Januari dan 1 Julai.

(ii) Sumbangan Membantu Kadar

Sumbangan Membantu Kadar adalah hasil cukai tidak langsung yang dikenakan ke atas pegangan harta berkadar bagi agensi-agensi Kerajaan dan Badan Berkanun yang terletak di kawasan Majlis. Sumbangan Membantu Kadar diiktiraf sebagai hasil dalam Penyata Prestasi Kewangan semasa bil dikeluarkan iaitu pada setiap awal tahun.

2. DASAR- DASAR PERAKAUNAN (sambungan)

(iii) Lesen, Bayaran Pendaftaran dan Permit

Majlis merekodkan semua bayaran yang dikenakan berhubung dengan pemberian kelulusan atau kebenaran kepada individu, perbadanan, perniagaan dan perusahaan-perusahaan lain untuk tujuan peraturan dan kawalan. Ianya termasuk lesen perniagaan, permit sementara, lesen anjing, iklan dan lain-lain.

(iv) Denda dan Hukuman

Denda dan hukuman merupakan bayaran denda, sitaan dan hukuman-hukuman lain yang dikenakan kerana melanggar undang-undang atau kerana kegagalan memenuhi tanggungan kontrak sama ada berkaitan dengan spesifikasi atau masa termasuk denda cukai taksiran, waran, kos guaman, kompaun dan lain-lain kos penguatkuasaan.

Hasil bagi denda dan hukuman yang lain-lain diiktiraf setelah Majlis menerima bayaran kerana berdasarkan pengalaman dan ketidakpastian dalam membuat kutipan ke atas hasil denda dan hukuman.

(v) Geran Kerajaan

Geran Kerajaan yang tidak dikenakan syarat-syarat prestasi masa depan yang tertentu seperti geran keseimbangan diambil kira sebagai hasil di dalam Penyata Prestasi Kewangan. Geran Kerajaan yang dikenakan syarat-syarat prestasi masa depan tertentu seperti geran pembangunan diiktiraf sebagai geran tertunda dan dilunaskan sebagai hasil bersamaan dengan amaun bawaan liabiliti yang telah memenuhi syarat.

2.2.2 Hasil daripada Urusniaga Pertukaran

Hasil daripada urusniaga pertukaran diiktiraf apabila terdapat kemungkinan bahawa manfaat ekonomi masa hadapan atau potensi perkhidmatan akan mengalir kepada entiti dan manfaat ini boleh diukur dengan pasti.

Hasil daripada Urusniaga Pertukaran adalah seperti berikut:

(i) Perkhidmatan dan Bayaran Perkhidmatan

Perkhidmatan dan Bayaran Perkhidmatan ini melibatkan semua terimaan berkenaan dengan perkhidmatan yang diberi oleh Majlis termasuk perkhidmatan tempat letak kereta, pelan perancangan, pelan infrastruktur, pelan bangunan, senggaraan gerai dan pasar, potong rumput dan lain-lain perkhidmatan.

2. DASAR- DASAR PERAKAUNAN (sambungan)

(ii) Perolehan dari Jualan Barang-Barang

Perolehan dari Jualan Barang-Barang merupakan terimaan daripada jualan borang sebut harga dan tender serta jualan harta benda fizikal (tidak termasuk pelaburan) dan lain-lain.

(iii) Sewaan

Hasil sewa dikenakan ke atas premis-premis Majlis mengikut syarat perjanjian penyewaan. Hasil sewaan bagi tujuan sosial (sewaan Rumah PPR) diiktiraf sebagai asas tunai.

(iv) Faedah dan Perolehan dari Pelaburan

Hasil keuntungan daripada pelaburan diiktiraf atas dasar perkadaran masa yang mengambilkira kadar pulangan hasil efektif atas aset tersebut. Kadar pulangan hasil efektif ke atas aset ialah kadar keuntungan yang diperlukan untuk mendiskaunkan jangkaan aliran penerimaan tunai masa hadapan sepanjang hayat aset tersebut untuk disamakan dengan amaun bawaan awal aset tersebut.

(v) Lain-lain terimaan adalah terimaan selain daripada nota 2.2.2 (i) hingga (iv) di atas. Ianya diiktiraf selepas perkhidmatan diberikan.

2.3 Hartanah, Loji dan Peralatan

- 2.3.1 Hartanah, loji dan peralatan diiktiraf pada nilai kos yang melebihi RM2,000.00 setiap satu.
- 2.3.2 Hartanah, loji dan peralatan dinyatakan pada kos tolak susutnilai dan rosotnilai terkumpul (jika ada). Kos termasuk semua kos langsung yang terlibat untuk membawa aset tersebut ke lokasi dan keadaan yang membolehkannya beroperasi dalam cara yang dikehendaki oleh pihak pengurusan. Kos penggantian bagi mana-mana aset yang memerlukan penggantian secara berkala akan dipermodalkan manakala nilai dibawa bagi bahagian yang diganti tersebut akan dinyahiktirafkan. Kos-kos perkhidmatan harian akan diiktiraf sebagai perbelanjaan dalam Penyata Prestasi Kewangan.
- 2.3.3 Jika berlaku sesuatu aset diperolehi melalui urusniaga bukan pertukaran, kos hendaklah diukur berdasarkan nilai saksama pada tarikh perolehan. Aset-aset ini kemudiannya akan dikreditkan di dalam Penyata Prestasi Kewangan, melainkan jika terdapat syarat-syarat mengenai penggunaan aset tersebut, di mana ia perlu diiktiraf di dalam liabiliti semasa.

2. DASAR-DASAR PERAKAUNAN (sambungan)

2.3.4 Nilai dibawah item harta tanah, loji dan peralatan hendaklah dinyahiktirafkan semasa pelupusan atau apabila tiada manfaat ekonomi masa hadapan atau potensi perkhidmatan yang dijangka daripada penggunaan atau pelupusannya. Keuntungan atau kerugian atas nyahiktiraf harta tanah, loji dan peralatan adalah ditentukan dengan membandingkan nilai pelupusan bersih dengan nilai dibawa aset di mana perbezaannya diambil kira sebagai keuntungan atau kerugian di dalam Penyata Prestasi Kewangan.

2.4 Susutnilai Hartanah, Loji dan Peralatan

2.4.1 Susutnilai dikira mengikut kaedah garis lurus untuk menghapus kira kos aset tersebut sepanjang anggaran hayat berguna aset-aset berkenaan. Susutnilai tanah pula dikira mengikut tempoh pajakan.

2.4.2 Kadar susutnilai tahunan harta tanah, loji dan peralatan adalah seperti berikut:

Bil	Kategori Hartanah, Loji dan Peralatan	Kadar Susutnilai (%)	Tempoh Usia Guna
i	Tanah	- Tanah milikan bebas tidak disusutnilaikan - Tanah pajakan disusutnilai berdasarkan tempoh pajakan	-
ii	Bangunan	5% setahun	20 tahun
iii	Kenderaan dan Jentera Berat	20% setahun	5 tahun
iv	Kelengkapan Pejabat	20% setahun	5 tahun
v	Peralatan ICT	33.33% setahun	3 tahun
vi	Jentera Ringan dan Mesin	33.33% setahun	3 tahun
vii	Lain-lain kelengkapan alat-alat/ buku	33.33% setahun	3 tahun

2.4.3 Jika terdapat tanda perubahan yang ketara dalam faktor-faktor yang memberi kesan kepada nilai sisa, jangkaan hayat atau corak berguna aset sejak tarikh laporan tahunan lepas, nilai sisa, kaedah susutnilai dan hayat berguna aset yang boleh disusutnilai akan disemak semula dan dilaraskan secara prospektif.

2. DASAR- DASAR PERAKAUNAN (sambungan)

2.5 Hartanah Pelaburan

- 2.5.1 Hartanah Pelaburan adalah harta tanah yang dipegang untuk menjana sewaan atau peningkatan modal atau kedua-duanya. Ia tidak termasuk harta tanah yang dipegang untuk tujuan strategik atau untuk menyediakan perkhidmatan sosial walaupun harta tanah tersebut menghasilkan sewa.
- 2.5.2 Pengiktirafan awal bagi harta tanah pelaburan yang diperoleh melalui urusniaga pertukaran adalah diiktiraf pada harga kos manakala perolehan melalui urusniaga bukan pertukaran diukur pada nilai saksama pada tarikh pemerolehan.
- 2.5.3 Susulan kepada pengiktirafan awal, harta tanah pelaburan dinyatakan sebagai kos tolak susutnilai terkumpul dan kerugian rosotnilai terkumpul (jika ada).
- 2.5.4 Susutnilai harta tanah pelaburan dikira menggunakan asas garis lurus mengikut anggaran hayat berguna asset tersebut. Harta tanah pelaburan berkaitan tanah pegangan bebas tidak disusutkan nilai, tetapi tanah pajakan dilunaskan mengikut tempoh pajakan. Caj susutnilai akan diiktiraf di dalam Penyata Prestasi Kewangan.
- 2.5.5 Untung atau rugi akibat pelupusan harta tanah pelaburan diiktiraf pada amaun bersih dalam Penyata Prestasi Kewangan.

2.6 Aset Tak Ketara

- 2.6.1 Aset tak ketara diiktiraf apabila ia terdapat kemungkinan bahawa manfaat ekonomi masa hadapan atau potensi perkhidmatan akan mengalir kepada Majlis dan kos atau nilai saksama asset boleh diukur dengan pasti.
- 2.6.2 Aset tak ketara diambilalih secara berasingan adalah diukur pada kos pada awalnya manakala asset yang diperolehi melalui urusniaga bukan pertukaran akan diukur berdasarkan nilai saksama pada tarikh perolehan. Selepas itu, asset tak ketara diukur pada kos ditolak sebarang pelunasan terkumpul dan sebarang kerugian rosotnilai terkumpul, jika ada. Kos yang berkaitan dengan asset tak ketara yang dijanakan secara dalaman kecuali perbelanjaan pembangunan diiktiraf sebagai perbelanjaan.
- 2.6.3 Sesuatu asset tak ketara itu akan dinilai sama ada terdapat tempoh jangkaan hayat ataupun tidak. Jika asset tak ketara itu tidak mempunyai jangkaan hayat, maka ia tidak perlu dilunaskan tetapi perlu dinilai sama ada perlu dibuat rosotnilai jika terdapat sebarang petunjuk.

2. DASAR- DASAR PERAKAUNAN (sambungan)

- 2.6.4 Perisian komputer dilunaskan berdasarkan jangkaan hayat selama 3 hingga 10 tahun.
- 2.6.5 Pada setiap tarikh pelaporan, tempoh dan kaedah pelunasan akan dikaji semula jika terdapat tanda perubahan yang ketara dalam faktor-faktor yang memberi kesan kepada nilai sisa, jangkaan hayat atau corak penggunaan aset sejak tarikh pelaporan tahunan yang lalu.
- 2.6.6 Keuntungan atau kerugian atas nyahiktiraf aset tak ketara adalah ditentukan dengan membandingkan nilai pelupusan bersih dengan nilai dibawa aset di mana perbezaannya akan diambil kira sebagai keuntungan atau kerugian di dalam Penyata Prestasi Kewangan.

2.7 Kerja Dalam Kemajuan

Kerja Dalam Kemajuan adalah bagi kerja-kerja pembinaan harta tanah, loji dan peralatan serta perisian komputer dalam pelaksanaan yang belum disempurnakan sehingga akhir tahun kewangan. Kos bagi pembinaan harta tanah, loji dan peralatan akan dipermodalkan sebagai harta tanah, loji dan peralatan mengikut tarikh Sijil Perakuan Siap (Certificate of Practical Completion) dikeluarkan atau tarikh siap kerja dan dilunaskan. Bagi kos perisian komputer pula ia akan dipermodalkan apabila perisian tersebut sedia untuk digunakan dan dilunaskan.

2.8 Aset Kewangan

- 2.8.1 Aset kewangan diiktiraf dalam Penyata Kedudukan Kewangan apabila Majlis menjadi pihak kepada peruntukan kontrak instrumen.
- 2.8.2 Pada pengiktirafan awal, aset kewangan yang diukur pada nilai saksama, termasuk kos urusniaga untuk aset kewangan yang tidak diukur pada nilai saksama menerusi lebihan atau kurangan, yang terlibat secara langsung di dalam mengisu aset kewangan.
- 2.8.3 Selepas pengiktirafan awal, aset kewangan akan dikelaskan kepada salah satu daripada empat kategori aset kewangan iaitu aset kewangan diukur pada nilai saksama menerusi lebihan atau kurangan, pinjaman dan belum terima, pelaburan dipegang hingga matang dan aset kewangan sedia untuk dijual.
- 2.8.4 Pembelian atau penjualan aset kewangan yang memerlukan penyerahan aset dalam tempoh masa yang ditetapkan oleh peraturan atau konvensyen di dalam pasaran akan diiktiraf pada tarikh transaksi itu dibuat, iaitu tarikh di mana Majlis membuat komitmen untuk membeli atau menjual aset tersebut.

2. DASAR- DASAR PERAKAUNAN (sambungan)

2.8.5 Majlis hanya mempunyai kategori aset kewangan seperti berikut:

(i) *Pinjaman dan Belum Terima*

Pinjaman dan Belum Terima adalah aset kewangan bukan derivatif dengan bayaran tetap atau boleh ditentukan yang tidak disebut harga dalam pasaran aktif. Selepas pengukuran awal, aset kewangan tersebut kemudiannya diukur pada kos yang dilunaskan menggunakan kaedah faedah berkesan atau ditolak rosotnilai. Kos dilunaskan dikira dengan mengambilkira apa-apa diskau atau premium atas pembelian aset tersebut serta yuran atau kos yang merupakan sebahagian daripada kadar faedah berkesan. Kerugian yang timbul daripada kemerosotan nilai diiktiraf dalam lebihan atau kurangan.

(ii) *Pelaburan Dipegang Hingga Matang*

Aset kewangan bukan derivatif dengan tempoh matang pembayaran tetap atau boleh ditentukan dan tetap diklasifikasikan sebagai dipegang untuk matang apabila Majlis mempunyai niat positif dan keupayaan untuk memegang sehingga matang. Selepas pengukuran awal, dipegang sehingga matang pelaburan diukur pada kos yang dilunaskan menggunakan kaedah faedah berkesan atau ditolak rosot nilai. Kos pelunasan dikira dengan mengambil kira apa-apa diskau atau premium atas pengambilalihan dan yuran atau kos yang merupakan sebahagian daripada kaedah faedah efektif. Kerugian yang timbul daripada kemerosotan nilai diiktiraf dalam Penyata Prestasi Kewangan.

RosotNilai Aset Kewangan

Pada akhir setiap tempoh pelaporan, Majlis akan menilai sama ada terdapat sebarang bukti objektif bahawa aset kewangan perlu untuk dirosotnilai. Bukti objektif termasuk:

- (i) Kesukaran kewangan yang ketara oleh peminjam;
- (ii) Pembayaran tertunggak;
- (iii) Kemungkinan bahawa peminjam akan muflis;
- (iv) Data yang menunjukkan bahawa terdapat penurunan di dalam anggaran aliran tunai;
- (v) Selepas sekurang-kurangnya 10 kali notis E dikeluarkan; atau
- (vi) Selepas penggulungan dan pembubaran syarikat serta pengambilalihan tanah.

Bagi kategori aset kewangan yang diukur pada kos dilunaskan, jika tiada bukti objektif wujud bagi individu yang ketara, maka semua aset dalam Majlis yang mempunyai ciri-ciri risiko yang serupa tidak kira sama ada ia ketara atau tidak, akan dinilai secara kolektif untuk menentukan sama ada ia perlu dibuat rosotnilai.

2. DASAR- DASAR PERAKAUNAN (sambungan)

Kerugian rosotnilai, berhubung dengan aset kewangan yang diukur pada kos dilunaskan, diukur sebagai perbezaan di antara nilai dibawa aset berkenaan dan nilai semasa anggaran aliran tunai yang didiskaunkan pada kadar faedah berkesan yang asal. Nilai dibawa aset tersebut akan dikurangkan melalui penggunaan akaun elaun. Sebarang kerugian rosotnilai diiktiraf dalam lebihan atau kurangan dengan serta-merta. Jika, dalam tempoh kemudiannya, sebarang amaun kerugian rosotnilai menurun, kerugian rosotnilai yang diiktiraf sebelumnya akan dibalikkan secara langsung dalam akaun elaun. Pembalikan ini diiktiraf dalam lebihan atau kurangan dengan serta-merta.

Penyahiktirafan Aset Kewangan

Aset kewangan dinyahiktiraf apabila hak kontrak untuk aliran tunai daripada aset kewangan tersebut tamat tempoh atau diselesaikan serta Majlis telah memindahkan risiko dan ganjaran pemilikan aset kewangan yang ketara kepada pihak lain.

Pada penyahiktirafan aset kewangan secara keseluruhannya, perbezaan di antara nilai dibawa dan jumlah pertimbangan diterima diiktiraf dalam lebihan atau kurangan dalam tempoh penyahiktirafan.

2.9 Peruntukan dan Liabiliti

- 2.9.1 Peruntukan diiktiraf apabila Majlis mempunyai obligasi semasa (perundangan atau konstruktif) hasil daripada peristiwa lalu, terdapat kemungkinan bahawa aliran keluar sumber yang mengandungi manfaat ekonomi perlu dilakukan untuk menyelesaikan obligasi dan jumlah obligasi boleh dianggarkan dengan pasti. Apabila Majlis menjangkakan beberapa atau semua peruntukan akan dibayar balik, perbelanjaan berkaitan peruntukan dibentangkan dalam Penyata Prestasi Kewangan daripada sebarang pembayaran balik.

2.10 Liabiliti Luar Jangka dan Aset Luar Jangka

- 2.10.1 Liabiliti Luar Jangka adalah obligasi semasa yang tidak diiktiraf kerana tiada kebarangkalian aliran keluar sumber akan diperlukan untuk menyelesaikan obligasi atau dalam kes yang sangat jarang berlaku di mana liabiliti tidak dapat diiktiraf tetapi didedahkan dalam Penyata Kewangan. Obligasi yang muncul dari peristiwa yang lepas, yang kewujudannya hanya dapat disahkan melalui berlakunya atau tidak berlakunya satu atau lebih peristiwa akan datang yang belum pasti, tidak di bawah kawalan Majlis keseluruhan juga didedahkan sebagai liabiliti luar jangka melainkan kebarangkalian aliran keluar sumber ekonomi adalah kecil.

2. DASAR- DASAR PERAKAUNAN (sambungan)

2.10.2 Aset luar jangka adalah aset yang berkemungkinan wujud daripada peristiwa lalu yang kewujudannya akan hanya disahkan apabila berlaku atau tidak berlakunya satu atau lebih peristiwa tidak pasti pada masa hadapan yang bukan dalam kawalan penuh Majlis. Majlis tidak mengiktiraf aset luar jangka dalam Penyata Kewangan tetapi mendedahkan kewujudannya di mana aliran masuk manfaat ekonomi adalah berkemungkinan, tetapi tidak pasti.

2.11 Liabiliti Kewangan

2.11.1 Liabiliti Kewangan diiktiraf dalam Penyata Kedudukan Kewangan apabila Majlis menjadi pihak kepada peruntukan kontrak instrumen.

2.11.2 Pada pengiktirafan awal, liabiliti kewangan adalah diukur pada nilai saksama, termasuk kos urusniaga untuk liabiliti kewangan yang tidak diukur pada nilai saksama menerusi lebihan atau kurangan, yang terlibat secara langsung di dalam mengisu liabiliti kewangan.

2.11.3 Selepas pengiktirafan awal, liabiliti kewangan dikelaskan kepada salah satu daripada dua kategori liabiliti kewangan iaitu liabiliti kewangan diukur pada nilai saksama menerusi lebihan atau kurangan dan pinjaman belum bayar.

2.11.4 Majlis mempunyai kategori liabiliti kewangan seperti berikut:

(i) *Pinjaman dan Belum Bayar*

Selepas pengiktirafan awal, pinjaman dan belum bayar adalah diukur pada kos dilunaskan menggunakan kaedah faedah berkesan. Keuntungan atau kerugian diiktiraf di dalam lebihan atau kurangan apabila liabiliti kewangan dinyahiktiraf atau dirosotnilai.

Kaedah faedah berkesan adalah kaedah untuk mengira kos dilunaskan liabiliti kewangan dan untuk memperuntukan perbelanjaan faedah ke atas tempoh yang berkaitan. Kadar faedah berkesan adalah kadar diskuan anggaran pembayaran tunai masa depan yang tepat menerusi jangka hayat liabiliti kewangan atau, apabila sesuai, tempoh yang lebih singkat, dengan nilai dibawa liabiliti kewangan tersebut.

(ii) *Penyahiktirafan Liabiliti kewangan*

Liabiliti kewangan dinyahiktiraf apabila obligasi yang dinyatakan dalam kontrak telah dilepaskan, dibatalkan atau tamat hayat.

Sebarang perbezaan di antara nilai dibawa liabiliti kewangan yang dinyahiktiraf dan pertimbangan dibayar adalah diiktiraf di dalam lebihan atau kurangan dalam tempoh penyahiktirafan.

2. DASAR- DASAR PERAKAUNAN (sambungan)

2.12 Kumpulan Wang Pinjaman Kenderaan Dan Lain-Lain

Kumpulan wang pinjaman kenderaan dan lain-lain merupakan jumlah wang yang dipindahkan daripada Kumpulan Wang Mengurus bagi tujuan membiayai Pinjaman Kenderaan dan Pinjaman Komputer.

2.13 Tunai dan Kesetaraan Tunai

Penyata Aliran Tunai telah disediakan menggunakan kaedah tidak langsung. Tunai dan kesetaraan tunai terdiri daripada tunai di tangan dan di bank serta pelaburan berkecairan tinggi dengan bank berlesen dan institusi kewangan yang mempunyai tempoh matang dua belas bulan atau kurang yang disedia tukar kepada amaun tunai yang diketahui dan tertakluk risiko perubahan nilai yang tidak ketara.

2.14 Manfaat Pekerja

2.14.1 Manfaat kakitangan jangka pendek

Majlis sebagai sebuah Pihak Berkuasa Tempatan adalah tertakluk kepada peraturan-peraturan perjawatan yang ditetapkan oleh Jabatan Perkhidmatan Awam (JPA). Manfaat pekerja jangka pendek yang digariskan oleh JPA adalah gaji pokok, elaun-elaun tetap, elaun-elaun berubah, pelbagai cuti termasuk cuti tahunan sehingga 35 hari, kemudahan perubatan di Institut Jantung Negara (IJN), dialisis dan peralatan bahan tiruan yang diluluskan oleh Kementerian Kesihatan Malaysia dan kemudahan pinjaman perumahan, kenderaan dan komputer.

Faedah kakitangan jangka masa pendek termasuk gaji, upah, bonus dan caruman keselamatan sosial dikira sebagai perbelanjaan dalam tahun di mana perkhidmatan berkaitan diberikan oleh pekerja. Pengumpulan gantirugi jangka pendek bagi ketidakhadiran seperti cuti tahunan bergaji akan diambil kira apabila perkhidmatan diberikan oleh pekerja di mana hak mereka terhadap gantirugi ketidakhadiran di masa hadapan akan meningkat dan gantirugi jangka pendek yang tidak dikumpulkan di atas ketidakhadiran seperti cuti sakit akan dikira apabila ketidakhadiran berlaku.

2.14.2 Manfaat selepas perkhidmatan

(i) Kumpulan Wang Simpanan Pekerja (KWSP)

Majlis mencarum kepada Kumpulan Wang Simpanan Pekerja pada kadar yang dikanunkan. Caruman tersebut di caj ke dalam Penyata Prestasi Kewangan dalam tempoh kewangan ianya berlaku.

2. DASAR- DASAR PERAKAUNAN (sambungan)

- (ii) Kumpulan Wang Persaraan (KWAP)
Majlis mencarum kepada Kumpulan Wang Persaraan (Diperbadankan) bagi kakitangan yang diberi taraf berpencen pada kadar yang dikanunkan. Caruman tersebut di caj ke dalam Penyata Prestasi Kewangan dalam tempoh kewangan ianya berlaku.
- (iii) Manfaat Ganti Cuti Rehat dan Ganjaran Kakitangan Tetap/Kontrak
Bagi kakitangan tetap Majlis sama ada memilih skim berpencen mahupun KWSP akan mendapat ganjaran cuti rehat (GCR) apabila tiba umur persaraan mereka. Ganjaran ini adalah berdasarkan Pekeliling Perkhidmatan yang dikeluarkan oleh Jabatan Perkhimatan Awam dan digunakan oleh Majlis.

Majlis hanya mengambilkira peruntukan GCR bagi kakitangan tetap yang telah mencapai umur 40 tahun dalam tempoh kewangan berakhir di mana ia dikira berdasarkan formula berikut:

$$1/30 \times \text{Gaji dan elauan akhir yang diterima} \times 150 \text{ hari (had maksimum yang boleh dituntut)}$$

2.15 Rosotnilai Aset Bukan Kewangan

2.15.1 Aset Penjanaan Tunai

Pada setiap tarikh Penyata Kedudukan Kewangan, Majlis mengkaji semula nilai di bawa bagi aset-asetnya untuk menentukan sama ada terdapat sebarang petunjuk kemerosotan nilai. Jika sebarang petunjuk wujud, rosotnilai dikira dengan membandingkan nilai dibawa aset dengan amaun boleh pulih. Amaun boleh pulih adalah nilai tertinggi di antara nilai saksama ditolak kos untuk dijual dan nilai dalam penggunaan.

Dalam menentukan nilai dalam penggunaan, aliran tunai masa hadapan akan didiskaun kepada nilai semasanya menggunakan kadar diskau sebelum cukai yang menggambarkan nilai pasaran semasa nilai masa wang dan risiko khusus kepada aset tersebut. Di dalam menentukan nilai saksama ditolak kos untuk dijual pula, urusniaga pasaran terkini akan diambilkira, jika ada. Jika tiada urusniaga pasaran terkini berlaku, model penilaian yang sesuai hendaklah digunakan.

Kerugian kemerosotan diiktiraf sebagai perbelanjaan dalam Penyata Prestasi Kewangan serta merta apabila nilai dibawa aset melebihi amaun boleh pulihnya, melainkan aset tersebut dibawa pada jumlah penilaian semula. Sebarang kerugian kemerosotan aset yang dinilai semula akan dikurangkan setakat lebihan penilaian semula yang masih belum digunakan bagi aset yang sama.

2. DASAR-DASAR PERAKAUNAN (sambungan)

2.15.2 Aset Penjanaan Bukan Tunai

Majlis akan menilai pada setiap tarikh pelaporan sama ada terdapat pertunjuk bahawa aset penjanaan bukan tunai mungkin terjejas. Jika sebarang petunjuk wujud, maka Majlis akan membuat anggaran ke atas jumlah perkhidmatan boleh pulih aset. Jumlah perkhidmatan boleh pulih aset adalah nilai tertinggi di antara nilai saksama ditolak kos untuk dijual dan nilai dalam penggunaan.

Kerugian kemerosotan diiktiraf sebagai perbelanjaan dalam Penyata Prestasi Kewangan serta merta apabila nilai dibawa aset melebihi jumlah perkhidmatan boleh pulihnya.

Dalam menentukan nilai dalam penggunaan, Majlis menggunakan pendekatan kos penggantian yang disusutnilai. Di bawah pendekatan ini, nilai semasa baki potensi perkhidmatan aset ditentukan sebagai kos penggantian aset yang telah disusutnilai. Kos penggantian yang disusutnilai akan diukur dengan mengambilira kos penggantian aset ditolak susutnilai terkumpul yang dikira atas kos itu bagi mencerminkan potensi perkhidmatan aset yang telah digunakan atau sudah luput.

Dalam menentukan nilai saksama ditolak kos untuk dijual pula, harga aset dalam perjanjian yang mengikat akan dilaraskan bagi menentukan harga pelupusan aset tersebut. Jika tiada perjanjian yang mengikat, tetapi aset tersebut diniagakan di pasaran secara aktif, maka nilai saksama ditolak kos untuk dijual adalah ditentukan dengan merujuk kepada nilai pasaran terkini ditolak kos pelupusan. Jika tiada perjanjian jual mengikat atau pasaran aktif bagi aset, Majlis menentukan nilai saksama ditolak kos untuk menjual berdasarkan maklumat yang ada yang terbaik.

Bagi setiap aset, penilaian dibuat pada setiap tarikh laporan sama ada terdapat sebarang petunjuk yang sebelum ini kerugian rosotnilai yang diiktiraf mungkin tidak lagi wujud atau telah berkurangan. Jika petunjuk sedemikian wujud, Majlis menganggarkan jumlah perkhidmatan boleh pulih aset. Kerugian kemerosotan nilai diiktiraf sebelumnya dibalikkan hanya jika terdapat perubahan dalam andaian yang digunakan untuk menentukan jumlah perkhidmatan boleh pulih aset sejak kerugian kemerosotan nilai terakhir diiktiraf. Pembalikan adalah terhad setakat nilai dibawa aset tidak melebihi jumlah perkhidmatan boleh pulih atau tidak melebihi nilai dibawa yang mungkin setelah susutnilai terkumpul seperti tiada kerugian kemerosotan nilai diiktiraf bagi aset tersebut dalam tahun sebelumnya. Pembalikan tersebut diiktiraf dalam Penyata Prestasi Kewangan.

2. DASAR- DASAR PERAKAUNAN (sambungan)

2.16 Percukaian

Majlis adalah dikecualikan daripada cukai menurut Seksyen 127, Jadual 6 : Akta Cukai Pendapatan 1967.

2.17 Cukai Barang dan Perkhidmatan (GST)

2.17.1 Perlaksanaan Cukai Barang dan Perkhidmatan berkuatkuasa pada 1 April 2015. Implikasi Cukai Barang dan Perkhidmatan kepada Majlis adalah seperti berikut:

(i) *Cukai Output*

Terimaan hasil cukai taksiran dan lesen adalah dikecualikan daripada GST dan tiada cukai output dibayar. Terimaan hasil selain cukai taksiran contohnya seperti sewaan ruang niaga, sewaan dewan adalah tertakluk kepada GST berkadar standard (6%) atau berkadar sifar (0%).

(ii) *Cukai Input*

Majlis menanggung GST yang dikenakan oleh pembekal bagi perolehan perkhidmatan. Majlis boleh menuntut GST (cukai input) bagi perolehan bekalan/perkhidmatan berkadar standard 6% sekiranya perolehan tersebut ada kaitan dengan pembekalan berkadar standard 6% (cukai output).

2.18 Maklumat Bajet

2.18.1 Bajet tahunan disediakan pada asas tunai. Memandangkan Penyata Kewangan disediakan menggunakan asas akruan, maka satu Penyata Perbandingan Bajet dan Sebenar didedahkan secara berasingan. Penyata ini telah disediakan menggunakan asas penyediaan bajet tahunan.

2.18.2 Jumlah bajet ini telah dibentangkan di dalam Mesyuarat Khas Belanjawan dan telah diluluskan oleh Majlis Mesyuarat Kerajaan Negeri.

2.19 Pertimbangan Perakaunan Kritikal dan Sumber Utama Ketidakpastian

2.19.1 Pertimbangan Perakaunan Kritikal

Tiada sebarang pertimbangan perakaunan kritikal selain daripada anggaran yang terlibat seperti di bawah, yang mempunyai kesan ketara ke atas jumlah yang diiktiraf di dalam Penyata Kewangan.

2. DASAR- DASAR PERAKAUNAN (sambungan)

2.19.2 Sumber Utama Ketidakpastian Anggaran

Anggaran utama berkenaan masa hadapan, dan lain-lain sumber utama ketidakpastian anggaran pada tarikh pelaporan, yang mempunyai risiko ketara yang akan menyebabkan pelarasan penting terhadap nilai dibawa aset dan liabiliti di dalam tahun kewangan seterusnya adalah seperti berikut:

(i) Elaun Rosotnilai bagi Belum Terima

Majlis menilai pada setiap tarikh pelaporan sama ada terdapat sebarang bukti objektif bahawa aset kewangan terjejas. Untuk menentukan sama ada terdapat bukti objektif hutang ragu, Majlis menganggap faktor seperti ketidakmampuan bayar siberhutang dan keingkaran atau kelewatan pembayaran yang ketara. Jika terdapat bukti potensi hutang tak mampu dibayar, jumlah dan masa aliran tunai masa depan dianggarkan berdasarkan sejarah pengalaman kerugian untuk aset yang mempunyai ciri-ciri risiko kredit yang serupa.

(ii) Perubahan Anggaran Jangka Hayat bagi Hartanah, Loji dan Peralatan

Semua hartaanah, loji dan peralatan disusutnilaikan mengikut kaedah garis lurus sepanjang jangka hayat aset tersebut. Majlis menganggarkan jangka hayat hartaanah, loji dan peralatan dalam tempoh masa 3 hingga 99 tahun. Perubahan dalam anggaran corak penggunaan aset dan pembangunan teknologi boleh memberi kesan kepada jangka hayat dan nilai sisa aset tersebut. Ini akan menyebabkan susutnilai aset pada masa hadapan akan disemak semula.

(iii) Penentuan Hartanah Pelaburan

Sebahagian daripada hartaanah Majlis adalah dipegang untuk mendapatkan pendapatan sewa atau untuk tujuan peningkatan nilai atau untuk kedua-duanya. Sebahagian yang lain pula dipegang untuk kegunaan sendiri. Jika bahagian sesuatu hartaanah itu yang dipegang untuk tujuan mendapatkan pendapatan sewa atau untuk peningkatan nilai boleh dijual secara berasingan atau dipajak secara berasingan sebagai pajakan kewangan, maka Majlis akan mengkategorikan bahagian tersebut sebagai hartaanah pelaburan. Manakala jika sesuatu bahagian hartaanah itu tidak boleh dijual atau dipajak secara berasingan, maka ia akan diklasifikasikan sebagai hartaanah pelaburan jika sebahagian hartaanah yang lain yang dipegang untuk kegunaan sendiri adalah tidak signifikan.

2. DASAR-DASAR PERAKAUNAN (sambungan)

(iv) Pengukuran Peruntukan

Majlis sentiasa menggunakan anggaran terbaik sebagai asas untuk mengukur sesuatu peruntukan itu. Anggaran itu dibuat berdasarkan kepada pengalaman lalu, lain-lain petunjuk atau andaian, perkembangan terkini dan peristiwa masa hadapan yang munasabah dalam menentukan sesuatu peruntukan.

2.20 Kesan Pemakaian MPSAS

2.20.1 Penyata Kewangan ini adalah merupakan Penyata Kewangan peralihan kedua Majlis yang dibentangkan menggunakan rangka kerja perakaunan MPSAS di mana Penyata Kewangan Majlis sebelum ini telah disediakan menggunakan piawaian-piawaian perakaunan yang diluluskan oleh Majlis. Dasar-dasar perakaunan yang digunakan di dalam menyediakan Penyata Kewangan tahun kewangan ini adalah selaras dengan yang telah digunakan di dalam tahun kewangan sebelum ini selain daripada dasar-dasar perakaunan yang dinyatakan seperti berikut:

(i) Aset dan Liabiliti Kewangan

Pada tahun kewangan sebelum ini, beberapa item aset dan liabiliti kewangan diukur pada kos yang memperuntukkan keuntungan mengikut asas garis lurus. Penggunaan rangka kerja MPSAS menyebabkan item-item tersebut diukur pada kos dilunaskan menggunakan kaedah keuntungan berkesan. Jumlah kos dilunaskan semua item tersebut akan dikira semula secara retrospektif dan perbezaan di antara jumlah kos dilunaskan dan nilai dibawa sebelumnya telah diselaraskan kepada baki awal Kumpulan Wang Majlis.

(ii) Aset Tak Ketara

Di dalam tahun kewangan sebelum ini, semua perbelanjaan berhubung dengan perisian komputer telah diiktiraf di dalam Penyata Prestasi Kewangan. MPSAS menghendaki perbelanjaan berhubung perisian komputer ini dipermudahkan kerana terdapat kemungkinan manfaat ekonomi masa hadapan atau potensi perkhidmatan akan mengalir kepada Majlis dan kos atau nilai saksama aset boleh diukur dengan pasti. Oleh itu, pelarasaran berhubung aset tak ketara ini telah diambilkira di dalam Penyata Kewangan ini.

Di dalam tahun kewangan sebelum ini, semua perisian komputer telah dikategorikan di bawah harta tanah, loji dan peralatan. Pemakaian MPSAS menghendaki perisian komputer ini diklasifikasikan semula berdasarkan kepada ciri-cirinya yang perlu ditunjukkan secara berasingan di dalam Penyata Kedudukan Kewangan. Majlis telah membuat pengklasifikasi tersebut di dalam tahun kewangan semasa.

2. DASAR- DASAR PERAKAUNAN (sambungan)

(iii) *Elaun Rosotnilai*

Di dalam tahun kewangan sebelum ini, salah satu dasar perakaunan Majlis berhubung elau hutang rugu adalah membuat peruntukan ke atas hutang yang mempunyai usia tunggakan melebihi 5 tahun. Pemakaian MPSAS menghendaki elau rosotnilai ini dibuat atas bukti objektif dan bukannya berdasarkan kepada pertimbangan. Dasar perakaunan berhubung dengan elau rosotnilai ini dinyatakan pada nota 2.8 kepada Penyata Kewangan. Oleh itu, semua kesan berhubung elau rosotnilai ini telah dibuat secara prospektif di dalam tahun kewangan ini.

(iv) *Pengiktirafan Geran atau Akaun Amanah*

Di dalam tahun kewangan sebelum ini, Majlis mengklasifikasikan akaun geran atau akaun amanahnya sebagai salah satu item di dalam Penyata Perubahan Aset Bersih. Pemakaian MPSAS menghendaki semua geran atau akaun amanah yang mempunyai syarat ke atasnya hendaklah diklasifikasikan sebagai liabiliti. Oleh itu, Majlis telah mengklasifikasikan semula geran atau akaun amanahnya kepada liabiliti. Majlis sedang di dalam proses untuk menentukan baki sebenar akaun geran atau akaun amanahnya kerana di dalam tahun kewangan sebelum ini, Majlis melunaskan akaun geran dan akaun amanahnya ke Penyata Prestasi Kewangan tidak bersamaan dengan jumlah yang dibelanjakan.

- 2.20.2 Selain daripada perubahan dasar-dasar perakaunan di atas, Majlis juga telah menggunakan peruntukan dan pengecualian peralihan berikut ketika menyediakan Penyata Kewangan ini yang pertama kali disediakan mengikut rangka kerja perakaunan MPSAS.

Peruntukan dan Pengecualian yang memberi kesan ketara ke atas Penyata Kewangan

(i) *Aset Insfrastruktur*

Majlis memiliki aset insfrastruktur iaitu jalan raya, pondok bas dan lain-lain lagi yang tidak dipermodalkan di dalam Penyata Kewangan. Di dalam tahun kewangan sebelum ini, semua kos yang terlibat bagi aset insfrastruktur telah diiktiraf sebagai belanja di dalam Penyata Prestasi Kewangan. MPSAS menghendaki aset infrastruktur ini dipermodalkan. Majlis telah memilih peruntukan dan pengecualian bagi pengiktirafan aset insfrastruktur ini bagi tempoh tiga tahun bermula daripada tarikh menerima pakai MPSAS atau sehingga aset tersebut diktiraf dan diukur (mana yang terdahulu). Ini disebabkan Majlis masih lagi di dalam proses untuk menyelenggara maklumat berhubung aset insfrastrukturnya.

2. DASAR-DASAR PERAKAUNAN (sambungan)

(ii) Penentuan Nilai Saksama Aset Yang Direkodkan Pada Nilai Nominal

Majlis memiliki beberapa aset nyata dan tidak nyata yang diterima secara percuma dan direkodkan pada nilai nominal di dalam Penyata Kewangan Majlis. MPSAS menghendaki semua aset nyata dan tidak nyata yang diterima melalui urusniaga bukan pertukaran hendaklah direkodkan pada nilai saksama. Majlis telah memilih peruntukan dan pengecualian bagi pengiktirafan aset-aset tersebut bagi tempoh tiga tahun bermula daripada tarikh menerima pakai MPSAS atau sehingga aset-aset tersebut diiktiraf dan diukur (mana yang terdahulu). Ini disebabkan Majlis masih lagi di dalam proses untuk menentukan nilai saksama aset-aset tersebut.

(iii) Pengiktirafan Inventori

Majlis memiliki beberapa inventori yang tidak direkodkan di dalam Penyata Kewangan di mana Majlis telah mengiktiraf sebagai belanja di dalam Penyata Prestasi Kewangan. MPSAS menghendaki inventori ini dipermudahkan. Majlis telah memilih peruntukan dan pengecualian bagi pengiktirafan inventori ini bagi tempoh tiga tahun bermula daripada tarikh menerima pakai MPSAS atau sehingga aset tersebut diiktiraf dan diukur (mana yang terdahulu). Ini disebabkan Majlis masih lagi di dalam proses untuk menyelenggara maklumat berhubung inventori.

(iv) Peruntukan Manfaat Kakitangan

MPSAS 25 "Employee Benefits" mengkehendaki entiti mengiktiraf semua manfaat yang diberikan kepada kakitangan. Pada tahun 2018, Majlis telah membuat peruntukan manfaat kakitangan ke atas kakitangan berstatus tetap yang berusia 40 tahun dan ke atas sahaja dengan bilangan hari maksimum 150 hari.

(v) Aset Hidup

Majlis memiliki aset hidup iaitu pokok dan tumbuhan yang tidak dipermudahkan di dalam Penyata Kewangan. MPSAS menghendaki aset hidup ini dipermudahkan. Majlis telah memilih peruntukan dan pengecualian bagi pengiktirafan aset hidup ini bagi tempoh tiga tahun bermula daripada tarikh menerima pakai MPSAS atau sehingga aset tersebut diketahui dan diukur (mana yang terdahulu). Ini disebabkan Majlis masih lagi di dalam proses untuk menyelenggara maklumat berhubung aset hidupnya.

2. DASAR-DASAR PERAKAUNAN (sambungan)

Peruntukan dan Pengecualian yang tidak memberi kesan ketara ke atas Penyata Kewangan

(i) Aset dan liabiliti kewangan yang telah dinyahiktiraf

Majlis tidak akan mengiktiraf semula mana-mana aset atau liabiliti kewangannya yang telah dinyahiktiraf sebelum ini menggunakanapakai rangka kerja perakaunan terdahulu ketika menggunakanapakai rangka kerja MPSAS. Jika sesuatu aset atau liabiliti kewangan yang mungkin akan dinyahiktiraf di bawah rangka kerja perakaunan terdahulu maka Majlis memilih untuk terus mengiktiraf aset dan liabiliti kewangan tersebut sehingga ia dilupuskan atau diselesaikan.

(ii) Anggaran perakaunan

Sebelum ini, Majlis menggunakan pertimbangan untuk menentukan elaun bagi elaun rosotnilainya. Elaun akan dibuat apabila Majlis menilai sesuatu hutang itu tidak boleh dikutip. Selepas menggunakanapakai MPSAS, penilaian ke atas kemerosotan aset kewangan dibuat berdasarkan kepada peristiwa kerugian yang telah berlaku (*incurred loss model*), di mana kemerosotan diiktiraf berdasarkan bukti objektif yang wujud. Walau bagaimanapun, elaun rosot nilai pada tarikh peralihan ini tidak diselaraskan secara retrospektif.

(iii) Hartanah Pelaburan

Majlis memiliki beberapa harta tanah pelaburan. Nilai buku bersih aset diambilkira di dalam harta tanah, loji dan peralatan. MPSAS menghendaki harta tanah pelaburan ini diklasifikasikan berasingan di dalam Penyata Kedudukan Kewangan. Majlis telah memilih peruntukan dan pengecualian bagi pengiktirafan harta tanah pelaburan bagi tempoh tiga tahun bermula daripada tarikh menerimaapakai MPSAS atau sehingga harta tanah pelaburan tersebut diiktiraf dan diukur (mana yang terdahulu). Ini disebabkan Majlis masih lagi di dalam proses untuk menyelenggara maklumat berkaitan harta tanah pelaburan.

2. DASAR- DASAR PERAKAUNAN (sambungan)

2.21 Mengkontra Instrumen Kewangan

Aset kewangan dan liabiliti kewangan hanya dikontra jika, terdapat hak undang-undang mengofsetkannya dan terdapat tujuan untuk menyelesaikannya pada nilai bersih atau untuk merealisasikan aset dan menyelesaikan liabiliti secara serentak.

2.22 Pihak Berkaitan

Majlis menganggap pihak berkaitan sebagai orang atau entiti dengan keupayaan untuk mengenakan kawalan secara individu atau bersama, atau untuk melaksanakan pengaruh penting ke atas Majlis, atau sebaliknya. Kakitangan penting pihak pengurusan dianggap sebagai pihak berkaitan dan terdiri daripada Ahli-Ahli Majlis.

2.23 Pajakan

Pajakan Kewangan

Pajakan harta tanah, loji dan peralatan adalah dikelaskan sebagai pajakan kewangan di mana sebahagian besar semua risiko dan manfaat bersampingan dengan pemilikan aset, tetapi bukan pemilikan yang sah di sisi undang-undang, dipindahkan kepada Majlis.

Majlis pada awalnya mengiktiraf hak penggunaan dan obligasinya dibawah pajakan kewangan sebagai aset dan liabiliti dalam Penyata Kedudukan Kewangan pada amaun yang sama dengan nilai saksama aset yang dipajak atau, jika yang lebih rendah, nilai semasa bayaran pajakan minimum, ditentukan pada permulaan pajakan. Sebarang kos langsung awal ditambah kepada amaun yang diiktiraf sebagai aset.

Bayaran pajakan minimum adalah dibahagikan antara caj kewangan dan pengurangan liabiliti tertunggak dengan menggunakan kaedah faedah efektif. Caj kewangan adalah diperuntukan pada setiap tempoh sepanjang tempoh pajakan untuk menghasilkan kadar faedah tempoh yang tetap ke atas baki liabiliti. Sewa luar jangka dikenakan sebagai perbelanjaan dalam tempoh di mana ia dilibatkan.

Dasar susutnilai bagi aset pajakan yang boleh disusutnilai adalah konsisten dengan aset yang boleh disusutnilai yang dimiliki. Jika tada kepastian yang munasabah bahawa Majlis akan mendapat pemilikan menjelang akhir tempoh pajakan, aset pajakan disusutnilai sepenuhnya dalam jangka pajakan dan hayat bergunanya, yang mana lebih singkat. Pada setiap tarikh pelaporan, Majlis menilai sama ada aset pajakan di bawah pajakan kewangan telah dirosotnilai.

2. DASAR- DASAR PERAKAUNAN (sambungan)

Pajakan Operasi

Pajakan dikelaskan sebagai pajakan operasi jika ia tidak memindah sebahagian besar semua risiko dan manfaat bersampingan dengan pemilikan aset. Pembayaran pajakan di bawah pajakan operasi adalah diiktiraf sebagai perbelanjaan atas asas garis lurus sepanjang tempoh pajakan.

2.24 Angka Perbandingan

Angka tahunan terdahulu ditunjukkan semula untuk tujuan perbandingan. Apabila berlaku perubahan ke atas persembahan atau klasifikasi butiran, angka perbandingan telah dinyatakan semula kecuali dinyatakan sebaliknya.

3. URUSNIAGA BUKAN PERTUKARAN BELUM TERIMA

Keterangan	Nota	2018	2017
		RM	RM
Tuggakan Cukai Taksiran	3.1	75,884,636	80,181,020
(-) Elaun Hutang Ragu	3.2	(6,150,023)	(6,118,656)
JUMLAH		69,734,613	74,062,364

3.1 TUNGGAKAN CUKAI

Tuggakan Cukai adalah terdiri daripada jenis cukai seperti di bawah :

Keterangan	2018	2017
	RM	RM
Cukai Taksiran	74,751,665	79,064,978
Caruman Bantu Kadar Persekutuan	1,132,971	1,116,042
JUMLAH	75,884,636	80,181,020

3.2 ELAUN HUTANG RAGU

Keterangan	2018	2017
	RM	RM
Baki Elaun Hutang Ragu pada 1 Januari Tambahan/ (Kurangan) - Tahun Semasa	6,118,656 31,367	17,289,921 (11,171,265)
BAKI PADA 31 DISEMBER	6,150,023	6,118,656

4. URUSNIAGA PERTUKARAN BELUM TERIMA

Keterangan	Nota	2018	2017
		RM	RM
i) Penghutang Sewa		277,490	-
ii) Sewa Menara MBPJ		9,100	9,100
iii) Sewa Tempat Letak Kereta		5,576,940	5,450,175
iv) Keuntungan Simpanan Tetap Terakru		3,094,679	4,663,482
v) Lain-lain Akaun Belum Terima		186,261	206,543
(-) Elaun Hutang Ragu	4.2	9,144,470 (186,261)	10,329,300 (186,261)
JUMLAH		8,958,209	10,143,039

4. URUSNIAGA PERTUKARAN BELUM TERIMA (sambungan)

4.1 Analisa pengumuran urusniaga pertukaran belum terima adalah seperti berikut :

Keterangan	2018	2017
	RM	RM
Tidak rosot atau melepas tempoh kena dibayar	3,487,049	4,683,764
Melepas tempoh kena dibayar 01 hingga 30 hari tetapi tidak dirosot nilai	46,580	46,500
Melepas tempoh kena dibayar 31 hingga 60 hari tetapi tidak dirosot nilai	-	45,500
Melepas tempoh kena dibayar 61 hingga 90 hari tetapi tidak dirosot nilai	-	-
Melepas tempoh kena dibayar 91 tetapi tidak dirosot nilai	5,424,580	5,367,275
BAKI PADA 31 DISEMBER	8,958,209	10,143,039

4.2 Butiran pergerakan akaun elauan adalah seperti berikut :

Keterangan	2018	2017
	RM	RM
Baki Peruntukan Hutang Ragu pada 1 Januari	186,261	186,261
Tambahan - Tahun Semasa	-	-
BAKI PADA 31 DISEMBER	186,261	186,261

5. PELBAGAI AKAUN BELUM TERIMA, DEPOSIT DAN TERAKRU

Keterangan	2018	2017
	RM	RM
i) Deposit dibayar	1,203,310	1,359,310
ii) Jabatan Kastam Diraja Malaysia	7,402,239	5,119,382
iii) Hasil Cukai Belum Terima dari Pelbagai Agensi	12,517	248
iv) Pinjaman Kakitangan	270,300	300,632
JUMLAH	8,888,366	6,779,572

5. PELBAGAI AKAUN BELUM TERIMA, DEPOSIT DAN TERAKRU (sambungan)

5.1 Analisa seperti berikut :

Keterangan	2018	2017
	RM	RM
Kurang daripada 12 bulan	8,695,831	6,544,018
Lebih daripada 12 bulan	192,535	235,554
BAKI PADA 31 DISEMBESER	8,888,366	6,779,572

6. SIMPANAN TETAP

Keterangan	2018	2017
	RM	RM
Simpanan Tetap - Al-Mudharabah	411,168,617	460,982,877
JUMLAH	411,168,617	460,982,877

7. WANG DALAM BANK DAN DI TANGAN

Keterangan	2018	2017
	RM	RM
i) Wang Runcit	27,298	25,200
ii) Wang Di Tangan	4,041	6,382
iii) Bank	63,278,309	61,751,007
JUMLAH	63,309,648	61,782,589

8. HARTANAH, LOJI & PERALATAN

Jenis Harta	1. Tanah	2. Bangunan	3. Kenderaan dan Jentera Berat	Jumlah A
	RM	RM	RM	
Kos/ Nilai				
Baki pada 01/01/2018	8,533,734	366,363,486	35,314,378	410,211,598
Pelarasan	-	229,335	-	229,335
Tambahan dalam tahun	-	7,336,629	7,176,914	14,513,543
Hapuskira	-	-	(170,000)	(170,000)
Baki pada 31/12/2018	8,533,734	373,929,450	42,321,292	424,784,476
Susutnilai Terkumpul				
Susutnilai terkumpul pada 1/1/2018	2,242,717	295,642,445	29,059,309	326,944,471
Susutnilai dalam tahun	107,772	8,759,552	3,943,572	12,810,896
Hapuskira	-	-	(102,000)	(102,000)
Susutnilai terkumpul pada 31/12/2018	2,350,489	304,401,997	32,900,881	339,653,367
Nilai Buku 2018	6,183,245	69,527,453	9,420,411	85,131,109
Nilai Buku 2017	6,291,017	70,721,041	6,255,069	83,267,127

Jenis Harta	4. Kelengkapan Pejabat	5. Peralatan ICT	6. Jentera Ringan dan Mesin	Jumlah B
	RM	RM	RM	
Kos/ Nilai				
Baki pada 01/01/2018	42,813,480	8,576,405	15,829,536	67,219,421
Tambahan dalam tahun	1,650,004	1,830,976	-	3,480,980
Hapuskira	-	-	-	
Baki pada 31/12/2018	44,463,484	10,407,381	15,829,536	70,700,401
Susutnilai Terkumpul				
Susutnilai terkumpul pada 1/1/2018	36,285,398	6,212,781	14,728,855	57,227,034
Susutnilai dalam tahun	2,114,019	1,923,566	699,104	4,736,689
Hapuskira	-	-	-	
Susutnilai terkumpul pada 31/12/2018	38,399,417	8,136,347	15,427,959	61,963,723
Nilai Buku 2018	6,064,067	2,271,034	401,577	8,736,678
Nilai Buku 2017	6,528,082	2,363,624	1,100,681	9,992,387

8. HARTANAH, LOJI & PERALATAN (sambungan)

Jenis Harta	8. Lain-Lain Kelengkapan, Alatan, Buku	Jumlah C	Jumlah Besar A + B + C
	RM	RM	RM
Kos/ Nilai			
Baki pada 01/01/2018	8,273,793	8,273,793	485,704,812
Pelarasan	-	-	229,335
Tambahan dalam tahun	-	-	17,994,523
Hapuskira	(8,273,793)	(8,273,793)	(8,443,793)
Baki pada 31/12/2018	-	-	495,484,877
Susutnilai Terkumpul			
Susutnilai terkumpul pada 1/1/2018	8,270,865	8,270,865	392,442,370
Susutnilai dalam tahun Hapuskira	-	-	17,547,585
Hapuskira	(8,270,865)	(8,270,865)	(8,372,865)
Susutnilai terkumpul pada 31/12/2018	-	-	401,617,090
Nilai Buku 2018	-	-	93,867,787
Nilai Buku 2017	2,928	2,928	93,262,442

9. PEMBINAAN/ KERJA DALAM KEMAJUAN/PROSES

Keterangan	2018	2017
	RM	RM
Baki pada 1 Januari	6,302,381	5,877,338
(+) Pelarasan	21,794,008	-
(+) Pembinaan/Kerja Dalam Kemajuan/Proses	13,562,762	6,302,381
(-) Pembinaan/Kerja Dalam Kemajuan/Proses Yang Telah Selesai	(2,626,746)	(5,877,338)
BAKI PADA 31 DISEMBER	39,032,405	6,302,381

10. ASET TAK KETARA

Jenis Harta	Perisian Komputer RM
Kos/ Nilai	
Baki pada 01/01/2018	2,691,975
(+) Pelarasan	5,742,663
(+) Tambahan dalam tahun	739,944
(-) Hapuskira	(427,057)
Baki pada 31/12/2018	8,747,525
Susutnilai Terkumpul	
Susutnilai terkumpul pada 1/1/2018	2,691,973
(+) Pelarasan Susutnilai	3,953,708
(+) Susutnilai dalam tahun	731,856
(-) Hapuskira	(427,055)
Susutnilai terkumpul pada 31/12/2018	6,950,482
Nilai Buku 2018	1,797,043
Nilai Buku 2017	2

11. PELBAGAI AKAUN BELUM BAYAR DAN PERBELANJAAN TERAKRU

Keterangan	2018	2017
	RM	RM
i) Pemiutang	67,634,889	70,240,155
ii) Pemiutang Utiliti	41,017	422,281
iii) Sewa Terima Terdahulu	960,376	917,395
iv) Cukai Taksiran Terdahulu Daripada Agensi	-	21,880
v) Cek Ganti	571,874	260,593
vi) Kos Guaman Cukai Taksiran	5,195	6,899
vii) Pelbagai Pemiutang	1,735,576	952,402
viii) Cukai Taksiran Terima Terdahulu	7,302,651	7,384,260
ix) Cagaran	207,989,477	173,168,412
x) Cukai Perkhidmatan Kastam	178,120	-
JUMLAH	286,419,175	253,374,277

12. GERAN TERTUNDA

Keterangan	Nota	2018	2017
		RM	RM
12.1 GERAN KERAJAAN TERTUNDA			
Pembinaan Stadium Petaling Jaya		-	15,000,000
Kompleks Penjaja Jalan SS3/39		-	2,400,000
Jejantas di Jalan SS24/1		-	200,000
Dewan Serbaguna Persiaran Perdana		-	815,206
Pusat Peniaga Taman Sri Manja 4		-	799,619
Dewan Serbaguna SS 7/28, Kelana Jaya		-	1,386,883
Dewan Serbaguna SS 5A/15, Kelana Jaya		-	1,543,749
Memasang High Mast/Elektronik Score Board		-	2,998,829
Membina Dewan Masyarakat Taman Medan		-	1,399,881
Arena PJ		-	729,746
Dewan Sivik		-	2,000,000
Gerai Jalan Penchala		-	299,988
Gelanggang Futsal di SS 26/9		-	70,000
		-	29,643,901
Geran Kerajaan tertunda terkumpul direalisasikan 1995 -2016 (5%)		-	(24,329,531)
Geran Kerajaan tertunda direalisasikan 2017 (5%)	(a)	-	(1,149,765)
Baki Pada 31 Disember	(b)	-	4,164,605

12. GERAN TERTUNDA (sambungan)

Keterangan	Nota	2018	2017
		RM	RM
12.2 GERAN KESEIMBANGAN TERTUNDA YANG DITERIMA			
Berikut adalah tahun Geran Keseimbangan Tertunda Diterima seperti berikut:-			
2007		-	4,998,870
2010		-	3,419,715
2013		-	3,842,718
2014		-	4,945,091
2015		-	5,000,000
2016		-	5,000,000
2017		-	5,000,000
2018		-	
Geran Keseimbangan Tertunda Yang Direalisasikan Dalam Tahun 2007 - 2016	(c)	-	32,206,394
Geran Keseimbangan Tertunda Yang Direalisasikan Dalam Tahun 2017	(c)	-	(17,415,509)
Geran Keseimbangan Tertunda Yang Belum Direalisasikan Pada 31 Disember 2017	(d)	-	(3,866,538)
Bantuan Kerajaan Tertunda Yang Direalisasikan Tahun Semasa	(a) + (c)	-	10,924,347
Baki Bantuan Kerajaan Tertunda Pada 31 Disember	(b) + (d)	-	5,016,303
		-	15,088,952

13. WANG AMANAH (KURANG DARIPADA 1 TAHUN)

Wang Amanah merupakan wang yang diterima untuk dibelanjakan semula bagi membiayai program tertentu.

Keterangan	2018	2017
	RM	RM
1. Bantuan Subsidi Sewa	84,850	84,850
2. Program Penggerak Belia	60,042	75,523
3. Seroja	11,997	7,577
4. Pest Controller - Menangani wabak Penyakit	47,435	252,000
5. Naiktaraf Kemudahan Sukan SEA	74,545	112,995
6. Aktiviti Kawalan Demam Denggi Selangor	20,963	51,838
7. Program Alam Sekitar	30,743	13,820
8. Pembinaan Pusat Komuniti di Ara Damansara	5,000,000	-
9. Pengurusan Bangunan Berstrata (Fokus)	21,800	-
10. Program Aktiviti Pencegahan Denggi	114,555	-
11. Jawatankuasa Teknologi Hijau	100,000	-
12. Projek BP 1 2018	369,138	-
13. Program Indah Smart Selangor	659,362	-
14. Projek Pintu Gerbang	-	40,915
15. Pelarasan Cukai Taksiran	-	9,974
16. Pelarasan Cagaran	-	2,000
17. Pembangunan Kota Seni	-	200,000
18. Program Tanam Pokok	-	7,000
19. Program Sijil Niaga Hijau	-	17,000
20 Kursus Penyediaan Unit Syer JMB	-	3,000
JUMLAH	6,595,430	878,492

14. KUMPULAN WANG AMANAH

BIL	AKAUN AMANAH	BAKI PADA 1/1/2018 (a)	TERIMAAN (b)	BAYARAN (c)	BAKI PADA 31/12/2018 (d) = (a) + (b) - (c)
1.	Program Penggerak Belia Tempatan (PeBT)	12	-	-	12
2.	Geran Penyelenggaraan Jalan (Marris)	16,199,143	28,956,142	28,633,056	16,522,229
3.	Wang Caruman Pembinaan Interchange Persiaran Surian & Mahagony	19,660,565	1,247,645	11,041,271	9,866,939
4.	Menaiktaraf Infrastruktur Kg. Kayu Ara	3,533,973	1,346,714	171,896	4,708,791
5.	Kumpulan Wang Perkhidmatan Kemajuan (ISF)	7,520,305	6,185,305	4,787,548	8,918,062
6.	Tabung Pembangunan Mampan	12,491	22,300	25,286	9,505
7.	Caj Pemajuan	31,771,267	2,373,539	12,749,357	21,395,449
8.	Program Zon Bersih MBPJ	11,361	-	-	11,361
9.	Pembinaan Ramp/Terowong dari Kawasan PJU1A melintas NKVE	20,495,661	4,007,396	413,074	24,089,983
10.	Tabung Hijau	861,310	39,000	204,586	695,724
11.	Terowong Tropicana	373,805	-	-	373,805
12.	Menaiktaraf Jalan Penchala dan Mensehala Jalan Utara	243,265	3,394,351	-	3,637,616
13.	Menaiktaraf Infra Sek. 13, P.Jaya dan Jalan Harapan	28,820,208	254,268	1,603,870	27,470,606
	Jumlah (i)	129,503,366	47,826,660	59,629,944	117,700,082

14. KUMPULAN WANG AMANAH (sambungan)

BIL	AKAUN AMANAH	BAKI PADA 1/1/2018 (a)	TERIMAAN (b)	BAYARAN (c)	BAKI PADA 31/12/2018 (d) = (a) + (b) - (c)
14.	Pembangunan Kompleks Bazaar Muhibbah, Kota Damansara	4,560	-	4,560	-
15.	PJ City Innovation & Service Centre, Kota Damansara	14,648,052	-	3,626,889	11,021,163
16.	Tabung Pendidikan	3,075,749	1,120,000	836,996	3,358,753
17.	Menaiktaraf Jalan Tanjung	3,282,204	-	-	3,282,204
18.	Projek Tempat Letak Kereta di 3 Tapak Tanah Bawah Rentis Elektrik Dekat Stesyen LRT	428,659	-	-	428,659
19.	Hadiah Kemenangan	13,775	5,000	7,000	11,775
20.	Tabung Perkuburan	2,829,656	1,309,125	673,866	3,464,915
21.	Tabung "PJ City Food Bank"	334,862	-	332,478	2,384
22.	Studio Terbuka Petaling Jaya	877,355	-	424,931	452,424
23.	Tabung 3R	-	19,344	-	19,344
24.	Aktiviti Kota Seni MBPJ	-	550,000	40,420	509,580
25.	Tabung Pengangkutan Petaling Jaya	-	357,847	-	357,847
Jumlah (ii)		25,494,872	3,361,316	5,947,140	22,909,048
Jumlah Besar (i) + (ii)		154,998,238	51,187,976	65,577,084	140,609,130

Terimaan Geran Penyelenggaraan Jalan (Marris) pada tahun 2018 adalah RM35,402,814. Angka yang dinyatakan di atas tidak mengambil kira RM8,974,032 yang diterima dalam tahun 2018 dan terdapat amaun RM2,527,360 yang diterima pada tahun 2017 diiktiraf sebagai terimaan pada tahun 2018.

15. PERUNTUKAN MANFAAT KAKITANGAN

Keterangan	2018	2017
	RM	RM
Baki pada 1 Januari	-	-
(+) Pelarasan	9,614,574	-
(+) Peruntukan Tahun Semasa	146,367	-
JUMLAH	9,760,941	-

**16. PENYATA PRESTASI KEWANGAN TERPERINCI BAGI TAHUN BERAKHIR
31 DISEMBER 2018**

	2018 (RM)	2017 (RM)
<u>HASIL</u>		
16.1 URUSNIAGA BUKAN PERTUKARAN		
Cukai Taksiran	237,924,918	243,854,476
Caruman Bantuan Kadar	2,494,909	1,852,456
Lesen Dan Permit	27,669,002	25,324,675
Denda Dan Hukuman	18,044,515	16,723,201
Sumbangan Tempatan dan Bayaran	5,426,604	4,546,516
Gantirugi dari Luar Negara		
Geran Keseimbangan	5,000,000	-
	296,559,948	292,301,324
16.2 URUSNIAGA PERTUKARAN		
Perkhidmatan dan Bayaran Perkhidmatan	28,429,428	22,321,391
Perolehan Dari Jualan Barang	1,449,299	1,751,841
Sewaan	15,834,195	16,055,900
Faedah Dan Perolehan Pelaburan	21,188,678	22,288,339
	66,901,600	62,417,471
16.3 PELBAGAI TERIMAAN		
Pulangan Balik Perbelanjaan	2,428,399	2,062,629
Bantuan Kerajaan Tertunda Direalisasikan	-	5,016,303
Peruntukan Hutang Ragu	-	11,171,265
	2,428,399	18,250,197
JUMLAH HASIL	365,889,947	372,968,992
<u>PERBELANJAAN MENGURUS</u>		
16.4 EMOLUMEN		
Gaji Dan Upahan	54,730,677	52,388,152
Elaun Tetap	21,010,085	20,586,195
Sumbangan Berkanun	10,236,309	9,797,352
Elaun Lebih Masa	11,963,200	10,350,147
Faedah Kewangan Yang Lain	7,622,707	10,521,030
	105,562,978	103,642,876

**16. PENYATA PRESTASI KEWANGAN TERPERINCI BAGI TAHUN BERAKHIR
31 DISEMBER 2018**

	2018 (RM)	2017 (RM)
16.5 PERKHIDMATAN & BEKALAN		
Tuntutan Perjalanan	5,646,028	4,147,927
Pengangkutan Barang-barang	14,810	3,491
Perhubungan Dan Utiliti	17,036,102	15,792,305
Sewaan	4,074,675	3,241,545
Makanan-makanan Yang Lain	67,850	71,549
Bekalan Bahan Mentah	4,130,068	4,041,102
Bekalan Bahan Lain	11,734,621	9,793,995
Penyelenggaraan Dan Pembaikan	28,163,694	24,277,004
Perkhidmatan Ikhtisas	113,383,139	103,964,461
	184,250,987	165,333,379
16.6 ASET		
Bangunan dan Pembaikan Bangunan	-	39,380
Kemudahan dan Pembaikan Kemudahan	-	39,800
	-	79,180
16.7 PEMBERIAN & KENAAN TETAP		
Pemberian Dalam Negeri	253,548	429,136
Tuntutan, Insuran dan Pampasan	2,360	1,300
	255,908	430,436
16.8 PERBELANJAAN LAIN		
Bayaran-bayaran Lain	9,132,796	5,797,979
Pulangbalik Dan Hapuskira	70,930	-
Susutnilai	18,279,441	16,899,587
Peruntukan Hutang Ragu	31,367	-
Peruntukan Manfaat Kakitangan	146,367	-
Perbelanjaan GST	-	6,991,885
	27,660,901	29,689,451
JUMLAH PERBELANJAAN MENGURUS	317,730,774	299,175,322
<u>PERBELANJAAN PEMBANGUNAN</u>		
16.9 PERKHIDMATAN & BEKALAN		
Bekalan Bahan Mentah	2,860,351	7,985,803
Bekalan Bahan Lain	747,802	1,188,886
Penyelenggaraan Dan Pembaikan	24,289,076	28,326,576
Perkhidmatan Ikhtisas	50,146,451	39,429,397
	78,043,680	76,930,662

**16. PENYATA PRESTASI KEWANGAN TERPERINCI BAGI TAHUN BERAKHIR
31 DISEMBER 2018**

	2018 (RM)	2017 (RM)
16.10 ASET		
Bangunan dan Pembaikan Bangunan	16,702,605	16,305,122
Kemudahan dan Pembaikan Kemudahan	<u>17,234,225</u>	<u>19,755,910</u>
	<u>33,936,830</u>	<u>36,061,032</u>
16.11 PEMBERIAN & KENAAN TETAP		
Pemberian Dalam Negeri	<u>1,374,376</u>	<u>1,109,818</u>
	<u>1,374,376</u>	<u>1,109,818</u>
JUMLAH PERBELANJAAN PEMBANGUNAN	<u>113,354,886</u>	<u>114,101,512</u>
JUMLAH PERBELANJAAN	<u>431,085,660</u>	<u>413,276,834</u>
KURANGAN BERSIH	<u>(65,195,713)</u>	<u>(40,307,842)</u>

17. PELARASAN TAHUN LALU

Pelarasan tahun lalu dinyatakan semula seperti berikut :

	Nota	Dinyatakan Terdahulu	Pelarasan Tahun Lalu/ Perbezaan	Dinyatakan Semula
			RM	RM
Hartanah, Loji dan Peralatan	17.1			
a) Kos Bangunan		366,363,486	229,335	366,592,821
Kerja Dalam Kemajuan	17.2			
a) Tambahan dalam tahun		6,302,381	21,794,008	28,096,389
Aset Tak Ketara	17.3			
a) Kos		2,691,975	5,742,663	8,434,638
b) Susutnilai Terkumpul		(2,691,973)	(3,953,708)	(6,645,681)
Pelbagai Akaun Belum Bayar dan Perbelanjaan Terakru	17.4			
a) Pembiutang		70,240,155	(305,742)	69,934,413
Geran Tertunda	17.5	15,088,952	(15,088,952)	-
Peruntukan Manfaat Kakitangan	17.6	-	9,614,574	9,614,574
		287,336,762	29,592,418	316,929,180

17.1 Hartanah, Loji dan Peralatan

Kos pembinaan gerai di Jalan 20/16 tidak diambilkira pada tahun 2017.

17.2 Kerja Dalam Pembinaan

Kos bagi kerja dalam pembinaan bagi 2 unit bangunan dan 3 aset tak ketara tidak diambilkira pada tahun 2017 dan tahun sebelumnya.

17.3 Aset Tak Ketara

Pada tahun 2018, Majlis baru mengambilkira Aset Tak Ketara selaras dengan keperluan MPSAS 31.

17.4 Pelbagai Akaun Belum Bayar dan Perbelanjaan Terakru

Semasa penyediaan penyata kewangan 2017, terdapat perbezaan diantara senarai pembiutang dengan angka di dalam timbang duga.

17.5 Geran Tertunda

Pada tahun 2018, Majlis menyelaraskan geran yang diterima selaras dengan keperluan MPSAS 23.

17.6 Peruntukan Manfaat Kakitangan

Pada tahun 2018, Majlis baru mengambilkira Peruntukan Manfaat Kakitangan selaras dengan keperluan MPSAS 25.

18. TANGGUNGAN LUAR JANGKA

Liabiliti Luar Jangka akan menjadi liabiliti sebenar sekiranya Majlis gagal memenuhi obligasi perjanjian atau berlaku sesuatu peristiwa tertentu. Liabiliti Luar Jangka Majlis pada 31 Disember 2018 adalah seperti berikut :

18.1 Mahkamah Tinggi Shah Alam

Guaman Civil No: MT4-13-24-2003

Abdul Ghapor Hussin & 85 yang lain Lwn Majlis Perbandaran Petaling Jaya & Mentari Housing Development Sdn. Bhd.

Plantif menuntut kerugian terhadap Majlis berdasarkan laporan penilaian mereka seperti berikut :-

- i. Nilai harga rumah menurun akibat pembinaan rumah kos rendah di kawasan perumahan mereka
- ii. Aktiviti dan kes jenayah meningkat
- iii. Tiada kemudahan taman permainan khas untuk taman perumahan mereka kerana terpaksa berkongsi dengan rumah kos rendah
- iv. Meningkatkan kesesakan lalu lintas yang teruk

Jumlah Tuntutan

RM12,000,000

Status Kes

Masih di peringkat Mahkamah Tinggi. Tarikh pendengaran kes pada 15 dan 16 Mei 2019.

18.2 Mahkamah Persekutuan Permohonan Civil No. : 08(f)-159-04/2018(B)

Mahkamah Rayuan Civil No. : B-02(NCVC)(W)-2185-11/2016

Mahkamah Rayuan Civil No. : B-02(NCVC)(WA)-144-01/2017

Mahkamah Tinggi Shah Alam Guaman No.: 22NCVC-110-03/2015

Digital Viva Sdn. Bhd

lawan

Tyewei Marketing Sdn Bhd & Majlis Bandaraya Petaling Jaya (Pihak Ke-3)

Permohonan melalui Mahkamah untuk memasukkan Majlis sebagai pihak ketiga oleh Defendan yang menyatakan penglibatan dalam kemungkiran Perjanjian antara Defendan dengan Majlis (yang didakwa oleh Defendan terhadap Majlis)

Jumlah Tuntutan

RM16,000,000

Status Kes

Digital Viva Sdn Bhd telah memasukkan rayuan ke Mahkamah Persekutuan dan tarikh pengurusan kes pada 30 April 2019.

18. TANGGUNGAN LUAR JANGKA (sambungan)

18.3 Mahkamah Tinggi Shah Alam Guaman Sivil No. : BA-22NCVC-546-09/2017
Mahkamah Rayuan Sivil No.: B-01 (NCVC)(W)-636-11/2018
Godell Parking Sdn Bhd lawan Majlis Bandaraya Petaling Jaya

Kes ini adalah satu perintah deklarasi bahawa penamatkan perjanjian bertarikh 5 Ogos 1999 adalah salah dan terbatal. Pihaknya juga menuntut gantirugi khas sebanyak RM21,190,530.76 (tidak termasuk lain faedah dan kos).

Mahkamah Tinggi telah menolak tuntutan Plaintiff dan membenarkan tuntutan balas defendant dengan kos sebanyak RM 40,000

Jumlah Tuntutan

RM21,190,530.76

Status Kes

Tarikh pendengaran kes pada 2 April 2019 dan tarikh memfailkan hujah tambahan pada 25 April 2019 dan tarikh hujahan balas pada 2 Mei 2019.

18.4 Mahkamah Tinggi Shah Alam Guaman Sivil No.: BA-21NCVC-71-10/2017
Mahkamah Rayuan Putrajaya
Guaman Civil No.: B-01(IM)(NCVC)-556-9/2018
Newlake Development Sdn Bhd lawan Majlis Bandaraya Petaling Jaya

Kes ini adalah satu perintah deklarasi bahawa keputusan Majlis bertarikh 5 Julai 2013 dan 2 Oktober 2014 adalah tidak sah. Plaintiff merupakan pemaju bagi Projek 10 Boulevard Damansara di Lot 13849, Pekan Kayu Ara, Daerah Petaling dan telah memohon perintah deklarasi bahawa keputusan Majlis Bandaraya Petaling Jaya bertarikh 5 Julai 2013 dan 2 Oktober 2014 adalah tidak disahkan.

Jumlah Tuntutan

RM3,351,944.46

Status Kes

Masih diperingkat Mahkamah Rayuan. Tarikh pengurusan kes pada 15 April 2019.

18.5 Mahkamah Seksyen Kuala Lumpur
Guaman Civil No.: WA-B52NCVC-443-08/2018
MMA Tech Engineering Sdn Bhd lawan Pelita Maintenance Resources Sdn Bhd dan Majlis Bandaraya Petaling Jaya

Mahkamah memerintah semua hutang yang kena bayar berjumlah RM1,030,193.64 setakat 3 Disember 2018 dibayar oleh Majlis (Orang yang digarnis)

Jumlah Tuntutan

RM1,030,193.64

Status Kes

Tarikh pendengaran kes pada 27 Mei 2019.

19. INSTRUMEN KEWANGAN – DASAR PENGURUSAN RISIKO

Risiko Kredit

Risiko kredit adalah risiko kerugian yang mungkin timbul disebabkan oleh kegagalan pihak lain di dalam menjalankan kewajipannya. Pendedahan kepada risiko kredit wujud daripada akaun-akaun belum terima. Bagi wang tunai dan baki di bank, Majlis mengurangkan risiko kredit dengan berurus secara eksklusif dengan institut kewangan yang mempunyai penarafan kredit yang tinggi.

Objektif Majlis adalah untuk mencari pertumbuhan berterusan sementara meminimumkan kerugian yang timbul kerana peningkatan dalam pendedahan risiko kredit. Majlis akan sentiasa memantau baki tunggakan secara berterusan dan akan mengambil tindakan mengikut kaedah perundangan yang dibenarkan.

Risiko Kecairan

Risiko kecairan adalah risiko bahawa Majlis akan menghadapi kesukaran dalam memenuhi kewajipan kewangan oleh kerana kekurangan dana. Pendedahan Majlis kepada risiko kecairan wujud daripada perbezaan dalam kematangan aset kewangan dan liabiliti kewangan. Jadual di bawah menunjukkan profil kematangan liabiliti Majlis pada tarikh laporan berdasarkan obligasi pembayaran semula tanpa diskaun kontrak.

	Dalam Tempoh setahun	Lebih Tempoh Setahun	Jumlah
	RM	RM	RM
Pada 31 Disember 2018			
Pelbagai akaun belum bayar dan perbelanjaan	286,419,175	-	286,419,175
	<u>286,419,175</u>	<u>-</u>	<u>286,419,175</u>

	Dalam Tempoh setahun	Lebih Tempoh Setahun	Jumlah
	RM	RM	RM
Pada 31 Disember 2017			
Pelbagai akaun belum bayar dan perbelanjaan	253,378,277	-	253,378,277
	<u>253,378,277</u>	<u>-</u>	<u>253,378,277</u>

Nilai Saksama

Nilai dibawa tunai dan kesetaraan tunai, belum terima dan belum dibayar adalah menyamai nilai saksamanya kerana tempoh matangnya yang pendek.

20. KAKITANGAN PENTING PIHAK PENGURUSAN

Kakitangan penting pihak pengurusan adalah mereka yang mempunyai kuasa dan tanggungjawab untuk perancangan, arahan dan kawalan ke atas aktiviti-aktiviti Majlis sama ada secara langsung atau tidak langsung. Kakitangan penting hanya terdiri oleh Ahli-Ahli Majlis sahaja di mana pembayaran yang dibuat kepada mereka adalah seperti berikut:

	2018	2017
Jumlah kakitangan penting pihak pengurusan	<u>25</u>	<u>25</u>
	2018	2017
Jumlah ganjaran	RM <u>1,447,065</u>	RM <u>1,725,796</u>

21. KOMITMEN MODAL

Keterangan	2018	2017
	RM	RM
i) Diluluskan dan dikontrakkan	-	799,770
ii) Diluluskan	-	-
JUMLAH	-	799,770

Komitmen modal yang 'Diluluskan dan dikontrakkan' merupakan pesanan rasmi dan arahan kerja yang telah dikeluarkan tetapi penerimaan belakan atau kerja belum dilaksanakan setakat 31 Disember 2018. Manakala komitmen modal yang 'Diluluskan' pula merujuk kepada perolehan yang diluluskan untuk urusan penyediaan kontrak dan pesanan.

22. NOTA BAGI PENYATA PERBANDINGAN BAJET DAN SEBENAR

Bajet Majlis telah diluluskan dan dibentangkan atas asas tunai tempoh kewangan dari 01 Januari 2018 sehingga 31 Disember 2018. Jumlah bajet ini telah dibentangkan di Mesyuarat Majlis Khas (Bajet) pada 10 Oktober 2017.

Bajet dan Penyata Kewangan Majlis disediakan dengan menggunakan asas yang berlainan daripada Penyata Kewangan. Penyata Kewangan disediakan pada asas akruan menggunakan klasifikasi berdasarkan jenis perbelanjaan di dalam Penyata Prestasi Kewangan, manakala bajet disediakan pada asas tunai. Jumlah dalam Penyata Kewangan ini telah disusun semula dari asas akruan kepada asas tunai dan dikelaskan semula dengan pembentangan berada pada asas yang sama seperti mana bajet yang telah diluluskan. Perbandingan jumlah bajet dan sebenar yang disediakan secara perbandingan dengan bajet yang diluluskan, kemudiannya dibentangkan di dalam Penyata Perbandingan Bajet dan Sebenar. Selain perbezaan asas ini pelarasannya kepada jumlah dalam Penyata Kewangan dan Bajet yang diluluskan.

22. NOTA BAGI PENYATA PERBANDINGAN BAJET DAN SEBENAR (sambungan)

Perbezaan masa wujud apabila tempoh bajet disediakan berbeza daripada tempoh kewangan penyata kewangan ini disediakan.

Perbezaan entiti wujud apabila bajet tidak mengambilkira program-program atau aktiviti yang tidak direkodkan di dalam Penyata Kewangan ini.

Pelarasan antara jumlah sebenar seperti yang dinyatakan dalam Penyata Perbandingan Bajet dan Sebenar dan jumlah sebenar dalam Penyata Aliran Tunai bagi tahun kewangan berakhir 31 Disember 2018 adalah seperti di bawah.

Penyesuaian antara jumlah sebenar seperti yang dinyatakan di dalam Penyata Perbandingan Bajet dan Sebenar dan jumlah sebenar dalam Penyata Aliran Tunai bagi tahun kewangan berakhir 31 Disember 2018 adalah seperti di bawah:

	Nota	Operasi RM	Pelaburan RM	Jumlah RM
Jumlah sebenar di dalam Penyata Perbandingan Bajet dan Sebenar		(9,066,416)	(56,282,171)	(65,348,587)
Perbezaan aras	(a)	13,530,138	3,531,248	17,061,386
Perbezaan masa				
Perbezaan entiti	(b)	-	-	-
Jumlah sebenar dalam Penyata Aliran Tunai		4,463,722	(52,750,923)	(48,287,201)

Nota a:

Perbezaan aras merujuk kepada pembayaran yang dibuat di dalam tahun kewangan semasa tetapi merupakan pembayaran berhubung tahun kewangan yang lalu.

Nota b:

Perbezaan entiti bagi aktiviti pembiayaan wujud disebabkan oleh lain-lain kenaan bank.